

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

4

MAR 1 1954

T 5307/3231

四



陸宣公奏草卷之十四

哈佛大學哈佛燕京圖書館珍藏印



唐吳郡陸

贇著

明

宣城湯賓尹評

武林王挺生訂

奉天請罷瓊林大盈二庫

右臣聞作法於涼。其弊猶貪。作法於貪。弊將安救。示人以義。其患猶私。示人以私。患必難弭。故聖人之立教也。賤貨而尊讓。遠利而尚廉。天子不問有無。諸侯不言多少。百乘之室。不蓄聚斂之臣。夫豈皆能忘其欲賄之心哉。誠恐賄之生人心。而開禍端。傷風教。而

亂邦家耳。是以務鳩歛而厚其帑積之積者。匹夫之富也。務散發而收其兆庶之心者。天子之富也。天子所作與天同方。生之長之而不恃其為。成之收之而不私其有。付物以道。混然忘情。取之不為貪。散之不為費。以言乎體則博大。以言乎術則精微。亦何必撓廢公方。崇聚私貨。降至尊而代有司之守。辱萬乘以效匹夫之藏。虧法失人。誘姦聚怨。以斯制事。豈不過哉。今之瓊林大盈。自古悉無其制。傳諸耆舊之說。皆云創自開元。貴臣貪權。飾巧求媚。乃言郡邑貢賦所

光英明酌  
有金石聲

初政清明  
不應化為  
兩截

用盡各區分稅賦。當委之有司。以給經用。貢賦宜歸乎天子。以奉私求。玄宗悅之。新是二庫。蕩心侈欲。萌祗於茲。迨乎失邦。終以餌寇。記曰。貨悖而入。必悖而出。豈非明效歟。陛下嗣位之初。務遵理道。敦行約儉。斥遠貪饕。雖內庫舊藏。未歸太府。而諸方曲獻。不入禁闈。清風肅然。海內丕變。議者咸謂漢文却馬。晉武焚裘之事。復見於當今。近以寇逆亂常。鑿輿外幸。旣屬憂危之運。宜增儆勵之誠。臣昨奉使軍營。出遊行殿。忽覩右廊之下。榜列二庫之名。懼然若驚。不識所

何景之慘  
而詞之修

備

以何則天衢尚梗師旅方殷瘡痛呻吟之聲與咻未  
息忠勤戰守之效賞賚未行而諸道貢珍遠私別庫  
萬目所視孰能忍懷竊揣軍情或生缺望試詢候館  
之吏素探道路之言果如所虞積憾已甚或忿形謫  
讟或醜聲譏譏頰含思亂之情亦有悔忠之意是知  
卑俗昏鄙識昧高卑不可以尊極臨而可以誠義感  
頃者六師初降百物無儲外扞兇徒內防危堞晝夜  
不息迨將五旬來餒交侵死傷相枕畢命同力竟夷  
大艱良以陛下不厚其身不私其欲絕甘以同卒伍

只為有此  
一點公心  
統是就國  
張本此正  
地今日好  
利之病  
勁駿

輟食以啗功勞無猛制而人不攜懷所感也無厚賞  
而人不怨悉所無也今者攻圍已解衣食已豐而誣  
譏方興軍情稍阻豈不以勇夫恒性嗜貨矜功其患  
難既與之同憂而好樂不與之同利苟異恬默能無  
怨咨此理之常固不足怪記曰財散則民聚財聚則  
民散豈其殷鑒歟衆怒難任蓄怨終泄其患豈徒人  
散而已亦將慮有構姦鼓亂干紀而強取者焉夫國  
家作事以公共為心者人必樂而從之以私奉為心  
者人必沸而叛之故燕昭築金臺天下稱其賢殷紂

纔一染翰  
枯管生花  
夙世爲詞  
零也

彈指之頃  
河嶽可移

信是筆有  
遺物

作玉杯百代傳其惡蓋爲人與爲已殊也周文之囿  
百里時患其尚小齊宣之囿四十里時病其太大蓋  
同利與奪利異也爲人上者當辯察茲理灑濯其心  
奉三無私以壹有衆人或不率於是用刑然則宣其  
利而禁其私天子所恃以理天下之具也捨此不務  
而壅利行私欲人無貪不可得已今茲二庫珍幣所  
歸不領度支是行私也不給經費非宣利也物情離  
怨不亦宜乎智者因危而建安明者矯失而成德以  
陛下天姿英聖儻加之見善必遷是將化蓄怨爲銜

恩反過差爲至當促殄遺孽永垂鴻名易如轉規指  
顧可致然事有未可知者在陛下行與否耳能則  
安否則危能則成德否則失道此乃必定之理也願  
陛下慎之惜之陛下誠能近想重圍之殷憂追戒平  
居之專欲器用取給不在過豐衣食所安必以分下  
凡在二庫貨賄盡令出賜有功坦然布懷與衆同欲  
是後納貢必歸有司每獲珍華先給軍賞壞異織麗  
一無上供推赤心於其腹中降殊恩於其望外將卒  
慕陛下必信之賞人思建功兆庶悅陛下改過之誠

陸宣公全集卷之十四

孰不歸德如此則亂必靖賊必平徐駕六龍旋復都  
 邑興行陸典整緝琴綱乘輿有舊儀郡國有恒賦天  
 子之貴豈當憂貧是乃散其小儲而成其大儲也損  
 其小寶而固其大寶也舉一事而眾美具行之又何  
 疑焉怯少失多廉賈不處溺近迷遠中人所非況乎  
 大聖應機固當不俟終日不勝管窺願效之至謹陳  
 冒以聞謹奏

登筮刮膜

湯賓尹曰象有齒以焚其身犀有寶以殞其命故  
 求車求金聖經所鄙而量柴數米中士所嗤苟

學先朝珠玉之焚自享開元富庶之樂而挾貨

右登自私下同黎庶但知剗肉以充腹不知肉盡而

京城身隨以亾德宗之昏以至是哉一大臣往彼言

慰以安遠近之情初欲簡擇此使並究其宰相商鼎

昔云蕭復久任在外刺史諸彼事宜又就宰相之中

名望最重

疑為怯少失多處賈不處潮近迷遠中人所非况  
大聖應機固當不俟終日不勝管窺頌效之至謹陳  
可以具觀以公斷宗之昏一至長劫  
自味不同藥無卧喉喉肉以支刻不喉肉蓋而  
學夫博來王之焚自稟開宗審想之樂而對貴

奉天論解蕭復狀

右冀寧奉宣聖旨緣國家賦稅多出江淮既未收復  
京城恐遠路傳說過甚所以欲得遣一大臣往彼宣  
慰以安遠近之情初欲簡擇此使並先共宰相商量  
皆云蕭復久任江外刺史諳彼事宜又就宰相之中  
名望最重令其往彼宣慰人必望風悅服其時蕭復  
亦自見此商議更無異同朕猶不能自斷遂喚諸朝  
士班次對見一一親向說宣慰之意問其穩便已否  
皆云至要並無異詞朕所以更不疑惑已與擇得發

德宗之細  
密惡心於  
此可想

日及其臨行從一等却論奏欲得且留蕭復又頻有  
朝官上封事亦與從一等意同朕忽見此翻覆非常  
悵恨數日思量不測其故意者必是蕭復計會遣其  
論奏蕭復又有何事苦欲得住其意深不可會鄉比  
來諳此人性行否兼與朕仔細思料若不肯去其意  
何在者蕭復往年曾任常州刺史臣其時寄住常州  
首尾二年閱其埋行及到京邑多與往來歲月滋深  
情意相得復之志性臣則備諳本是貴門又聯戚屬  
痛自修勵慕爲清貞矯枉太深時或過當論經義則

盛怒之下  
啼哭兩難  
須如此婉  
解始得

以守死善道執心不回爲本議人物則以魏元忠宋  
璟爲師已之所行皆欲盡善故涉好名之累亦無應  
變之才用雖不周行則可保至如二三爽德翻覆挾  
姦復之爲人必不至是安有親承計議退自變渝私  
誘官僚曲令干說是同兒戲非近人情雖甚狂愚猶  
應不敢若稍恭慎固當不爲況乃見稱名流獲踐清  
貫備股肱之任承渥澤之私何心何顏忍至於此假  
令蕭復之意或欲逗留在於從一之徒寧肯附會臣  
緣自到行在常居禁中向外事情視聽都絕忽承顧



兩相結  
若陸海披  
珍幽隱罪  
見

問莫測端由。陛下必欲研窮斯理。不為難察。初舉蕭  
復克使。本是從一等商量。後請蕭復不行。又是從一  
等論奏。一矛一盾。理必有歸。或遣或留。意將安在。但  
垂睿詰。孰敢面謾。蕭復若相囑求。則從一等何容為  
隱從。一等儻自廻互。則蕭復不當受疑。陛下奚憚而  
不辯明。乃直為此悵恨也。夫明則罔惑。辯則罔寃。惑  
莫病於逆詐。而不與明。寃莫痛於見疑。而不獲辯。是  
使情偽相揉。忠邪靡分。茲實居上御下之要樞。惟陛  
下留意幸察。謹奏。

湯賓尹曰。貞觀初。上以瀛州刺史盧祖尚。尚有文武  
才。欲其鎮撫交趾。拜謝而出。尋復悔辭。命斬朝  
堂。以為不恭之戒。蕭復宣慰之命。業與多官斟  
酌。策遣有日矣。而猶逗留沮格。使當太宗之世。  
能免祖尚之誅乎。而德宗從容詳審。俾宣公得  
以進其言。蕭復得以免於戾。忠厚一脈。油然而可  
掬。而宣公解救之。疏。今不說煞用。活用。虛讀之。  
和風集。而甘雨零。疑怨自解。

推其脈尚之精平而熟宗錄容新者則宜公其  
濟策豈有日矣而漸豈留此於當太宗之世  
堂以爲不恭之姓蕭宜燦之命業與之官掛  
本益其驗難交相拜禮而出尋其制命神  
賜賚氏曰貞躡亦士以藏代陳史蓋脈尚亦文苑

奉天 薦袁高等狀

袁高楊勉 已上二人並曾任御史中丞 裴謂 曾任金吾將軍 孫威 曾任京兆少尹

周皓 曾任丹延都觀察使 裴胄 曾任宣州刺史 崔造殷亮李舟 已上並任

郎官 何士幹 姚南仲陸淳沈旣濟 已上曾任補闕拾遺 右臣近因

奏對言及仕人陛下累歎乏才惘然憂見於色臣退而思省且憂且慙所喜者樂陛下急於求賢明君致

理之資也所慙者耻近侍不能薦士微臣竊位之罪也輒自揣擇思舉所知猶懼鑒識不明品藻非當反

覆叅校未果上聞昨蒙宣示中書進擬量移官令臣

開齊而軒

審看可否者。因悟貶降之輩。其中甚有可稱。臣以素所諳知。兼聞公議。此狀之內。僅得十人。狀所不該。又有三四。或因連累。左黜。或遭讒忌。外遷。互有行能。咸著名跡。寘之清列。皆謂良材。若但準例量移。及令仍舊出守。固非陛下愛賢之意。亦乖海內望理之心。儻蒙特恩。追赴行在。誠垂訪接。必有可觀。錄用棄瑕。旣符德號。振淹求舊。亦闡大猷。謹錄薦陳。庶備採擇。其餘差序遠近。並具別狀。以聞。謹奏。

意既忠忱  
詞復警絕

湯賓尹曰。忠臣不以斥逐。而收其貞操。明君不以

顯擢。而鼓其効用。但束修自勵。思致青雲。偶遭  
 石賦。擯遺。終不齒錄。俾榘楠杞梓。零落於荒陬窮島。  
 仗順間。良可哀也。使之離僻陋。而到王畿。起幽蟄。而  
 奔不拜天闕。孰不感再造之恩。思効忠於帝室乎。宣  
 茲事。公不但詞章如注。而且好賢若饑。殊絕人物。允  
 為亦當首推。若不別務規略。漸利持。以姑息求

常者林

久不卧。隨章。賦。我。而。且。我。賀。春。難。我。人。心。亦。  
拜。天。關。將。不。風。再。盡。之。恩。思。故。忠。效。帝。室。平。宣。  
開。身。何。東。也。勢。之。難。辨。而。怪。正。豈。或。幽。楚。而。  
庶。盡。終。不。肯。難。吟。難。離。味。林。琴。茶。分。荒。烟。寶。島。  
願。繫。而。楚。其。故。風。臥。東。也。自。博。思。廷。青。雲。而。願。

奉天論李晟所管兵馬狀

右賊泚稽誅。保聚宮苑。勢窮援絕。引日偷生。懷光總  
仗順之師。乘制勝之氣。鼓行芟翦。易若摧枯。而乃寇  
奔不追。師老不用。諸帥每欲進取。懷光輒沮其謀。據  
茲事情。殊不可解。陛下意在全護。委曲聽從。觀其所  
為。亦未知感。若不別務規略。漸相制持。唯以姑息求  
安。終恐變故難測。此誠事機危迫之秋也。固不可以  
尋常容易處之。今李晟奏請移軍。適遇臣銜命宣慰。  
懷光偶論此事。臣遂沉問所宜。懷光乃云。李晟既欲

別行某亦都不要藉臣猶慮有翻覆因美其軍盛強  
懷光大自矜誇轉有輕晟之意臣又從容問云昨發  
行在之日未知有此商量今者從此却廻或恐聖旨  
顧問事之可否決定何如懷光已肆輕言不可中變  
遂云恩命許去事亦無妨安約再三非不詳審雖欲  
追悔固難為辭伏望即以李晟表出付中書勅下依  
奏別賜懷光手詔示以移軍事由其手詔大意云昨  
得李晟奏請移軍城東以分賊勢朕緣未知利害本  
欲委卿商量適會陸贄從彼宣慰回奏云見卿論叙

軍情論及奏請移軍城東以分賊勢朕緣未知利害本欲委卿商量適會陸贄從彼宣慰回奏云見卿論叙

所請卿宜授以謀略分路夾攻務使叶齊克平寇孽  
如此則詞婉而直理順而明雖蓄異端何由起怨臣  
初奉使諭旨本緣糧賜不均偶屬移軍事相諧會又  
幸懷光詭對且無阻絕之言機宜合并若有幽贊一  
失其便後悔何追伏願聖聰速垂裁斷謹奏

湯賓尹曰賊泚困窮牢柵中物而懷光遽爾遲廻

首鼠觀望李晟之軍受其節制雖有忠謀至計  
安所用哉幸而晟得移營翻然翺翔不為羈束

形見勢動。我得豫為之備矣。此先事制人之高着。然而懷光氣勢甚盛。倘脫為君命不受之說。又事之可慮者也。宣公以談言微中。使彼不得借以為端。禁中頗收詭不信然。

時奉對。備言本絲。懸顯不。以。歸。亂。逐。軍。事。休。請。會。又。飛。出。限。國。雖。而。直。聖。訓。而。即。輒。蓄。異。識。何。由。野。恐。且。視。未。能。在。對。極。驚。恐。衣。冠。夾。文。絲。對。和。齊。哀。平。家。準。觀。委。卿。商。最。適。會。陸。贊。從。彼。宜。慰。以。奏。國。地。鄉。論。似。

奉天奏李建徽楊惠元兩節度兵馬狀

右懷光當管師徒。足以獨制兇寇。逗留未進。抑有他由。所患太強。不資傍助。比者又遣李晟李建徽楊惠元三節度之眾。附麗其營。無益成功。祇足生事。何則。四軍接壘。羣帥異心。論勢力則懸絕高卑。據職名則不相統屬。懷光輕晟等兵微位下。而忿其制不從心。晟等疑懷光養寇蓄姦。而怨其事多凌已。端居則互防飛謫。欲戰則遞恐分功。齟齬不和。嫌釁遂構。俾之同處。必不兩全。强者惡積而後亡。弱者勢危而先覆。

裁斷事理  
若燭照數  
計文字之  
工所不必  
言

疾如脫兔  
入不及距

滅亡之禍。翹足可期。舊寇未平。新患方起。憂危所切。實堪疚心。太上消慝於未萌。其次救失於始兆。況乎事情已露。禍難垂成。委而不謀。何以寧亂。李晟見機。慮變先請。移軍就東。建徽惠元。勢轉孤弱。為其吞噬。理在必然。他日雖有良圖。亦恐不能自拔。拯其危急。唯在此時。今因李晟願行。便遣合軍同往。託言晟兵素少。慮為賊泚所邀。藉此兩軍。迭為犄角。仍先諭旨。密使促裝。詔書至營。即日進路。懷光意雖不欲。然亦計無所施。是謂先人有奪人之心。疾雷不及掩耳者。

黃石兵符  
孫吳權略  
皆備於此

也。夫制軍馭將。所貴見情。離合疾徐。各有宜適。當離者。合之則召亂。當合者。離之則寡功。當疾而徐。則失機。當徐而疾。則漏策。得其要契。其時然後舉。無敗謀。措無危勢。今者屯兵而不肯為用。聚將而罔能叶心。自為鯨鯢。變在朝夕。留之不足以相制。徒長厲階。析之各競於擅能。或建勳績。事有必應。斷無可疑。解闕不可以不離。救焚不可以不疾。理盡於此。惟陛下圖之。

兵家心印  
不判於文  
直見之

以前件事宜。臣昨晚自行營迴。面奉進止。以臣所

商量許李晟移就城東灼然穩便但慮懷光不免  
張望因此生詞轉難調息則不如不去令臣更審  
細思量奏來者臣以事機得失所繫安危千慮百  
思通夕忘寐誠以貧因循而不能矯失者終有大  
患處。處。處。而。不。思。出。險。者。必。無。久。安。罄。陳。芻。蕘。惟  
所省擇講奏

湯賓尹曰古人有言才器須周足當四面入籠入  
細乃是經綸好手白面書生恒見侮於長槍大  
劍李晟既分建徽惠元二將能不受懷光之魚

肉哉宣公此計正所謂金蟬脫殼掩耳難施後  
來懷光跳梁拔扈終不出我五指掌中此機果  
失救藥難挽儒者之內乃有此人唐之宗祏無  
宜商虞以有宣公推輓位者天下之公器而國之大  
柄也唯功勳才德所宜處之非此二途不在賞典恒  
且慎惜理不可輕若輕用之則是壞其公器而失其



所冀以有宣公卦轉

易夫殊藥璞其論者之內及南北人觀之宗輪無  
來對水細梁其蟲絲不出非正卦掌中其繼一  
內共宣公其情五西請金戰其時其耳其繼其

駕幸梁州論進獻瓜果人擬官狀

右欽淑奉宣聖旨自發洋州已來累路百姓進獻果  
子胡瓜等雖甚微細且有此心今擬各與散試官卿  
宜商量可否者伏以爵位者天下之公器而國之大  
柄也唯功勳才德所宜處之非此二途不在賞典恒  
宜慎惜理不可輕若輕用之則是壞其公器而失其  
大柄也器壞則人將不重柄失則國無所持起端雖  
微流弊必大緣路所獻瓜果蓋是野人微情有之不  
足光聖猷無之不足虧至化量以錢帛為賜足彰行

早越而正  
大

陸宣公集 卷之十四 十一  
幸之恩。饋獻鼎官。恐非令典。謹奏。

湯賓尹曰。唐之威令不行者。正以金紫被乎輿臺。貂蟬盈乎僕隸。區區瓜果而得厠仕塗。則太宰所掌。司馬所定者。皆不足爲榮矣。宣公愛惜名器。正是此意。

又論進瓜果人擬官狀

右欽淑齋中書所與進瓜果人擬官狀示臣。仍奉宣聖旨。朕所到處。欲得人心喜悅。試官虛名。無損於事。宰臣已商量進擬。與亦無妨者。臣愚以爲信賞必罰。霸王之資。輕爵褻刑。衰亂之漸。信賞在功。無不報。必罰在罪。無不懲。非功而獲爵。則爵輕。非罪而肆刑。則刑褻。爵賞刑罰。國之大綱。一綱或勞。萬日皆弛。雖有善理。未如之何。天寶季年。嬖倖領國。爵以情授。賞以寵加。天下蕩然。紀綱始紊。逆羯乘釁。遂亂中原。遣戍

規正相接  
勇悍無前

公說法  
如迴軒一  
初驚無

歲增策勲日廣財賦不足以供賜而職官之賞與焉  
職員不足以容功而散試之號行焉青朱雜沓於胥  
徒金紫普施於輿皂薰蕕無辯涇渭不分二紀於茲  
莫之能整當今所病方在爵輕設法貴之猶恐不重  
若又自棄將何勸人聖旨以為試官虛名無損於事  
臣伏恐陛下思之未熟偶有是言倘或謂之信然臣  
竊以為過矣夫立國之道惟義與權誘人之方惟名  
與利名近虛而於教為重利近實而於德為輕凡所  
以裁是非立法制者則存乎其義至於參虛實揣輕

文字亦虛  
虛實實不  
可捉拿

重並行而不傷迭用而不悖囚眾之欲度時之宜消  
息盈虛使人不倦者則存乎其權專實利而不濟之  
以虛則耗匱而物力不給專虛名而不副之以實則  
誕謾而人情不趨故國家之制賞典錫貨財賦秩廩  
所以彰實也差品列異服章所以飾虛也居上者必  
明其義達其變相須以為表裏使人日用而不知則  
為國之權得矣謹按命秩之載于甲令者有職事官  
焉有散官焉有勲官焉有爵號焉雖以類而分其流  
有四然其掌務而授俸者唯繫於職事之一官以序

僕來康侯  
踐土一專  
在依此法

又字至此  
官

禮若仙

謙駁有趣  
日情定中  
亦能起舞

才能以位賢德此所謂施實利而寓之虛名者也其  
勲散爵號三者所繫大抵止於服色資蔭而已以馭  
崇貴以甄功勞此所謂假虛名以佐其實利者也虛  
實交相養故人不瀆賞輕重互相制故國不廢權今  
之員外試官頗同勲散爵號雖則授無費祿受不占  
員然而突銛鋒排患難者則以是賞之竭筋力展勤  
効者又以是酬之其為用也可謂重矣今或捧瓜一  
器擎果一盛亦授試官以酬所獻則彼突銛鋒而竭  
筋力者必相謂曰吾以忘軀命而獲官此以進瓜果

而獲官是乃國家以吾之軀命同於瓜果矣瓜果草  
木也視人如草木誰復為用哉且員外試官無俸祿  
之資無攝管之柄無見敬之貴無免役之優唯假空  
名以寵浮俗浮俗所以若存若亡而亦甚厭棄者徒  
以上之所惜耳今陛下若又輕用之以為無損於事  
人悟斯旨復何賴焉後之立功曷用為賞陛下若欲  
賞之以職事則官員有限而勲伐無窮固不勝其用  
矣陛下若欲賞之以貨財則人力已殫而帑藏皆匱  
固不克其費矣既未有實利以崇勸又不重虛名而

卷之十四  
十九

濫施人無藉焉。何以爲國。且植瓜種果。多是野人貧者所資。唯在衣食。假以冗號。亦奚用焉。必欲使之歡欣。不如厚賞錢帛。人不失利。國不失權。各得所宜。兩全其實。何有不可。固傷大猷。願留睿思。更少詳度。謹奏。

湯賓尹曰。國家惟名與器。不可以假人。吾以其虛名而鼓天下之實。天下以其實効而應吾之虛。甚矣不可不謹矣。且賢者慮事必思其終。智士消萌常本乎細。虛名不已。必至職官。職官不已。

必至顯要。而驕都尉。關內侯。亦何所不至哉。總之以其食。爲之媒也。同光之官。長半是樂工。貞元之職。司不雜園丁者。以宣公砥柱於其間也。况負畦之老。本無意於冠裳。進奉之勞。自當酬

石欽。以金帛。子罕與玉人。各有其寶。不尤便乎。開選

有權令造。一塔交置。守夜及。前重。中地。上。請。人。建。三。

陸宣公奏草卷之十五

臣竊以金帛千罕與主人各計其寶不亦則乎  
臣竊以法本無意欲以賞勸善而嚴自當  
示之刑而不難圖丁昔以宣公為法其間  
之以和食為之獄也同出之言大半長樂王  
必至謂要而無濟於關內氣亦  
海不王其

陸宣公奏草卷之十五

唐吳郡陸

贄著

明

宣城湯賓尹評  
武林王挺生訂

與元論解姜公輔狀

右欽淑奉宜聖旨緣唐安公主喪亡不可向此闕遷  
厝權令造一塔安置待收復京師即擬將歸以禮葬  
送所造塔役功費用亦甚微小都不合是宰相所論  
之事姜公輔忽有表奏都無道理但欲指朕過失擬  
自取名朕本拔擢將為腹心今却如此豈不負朕至

君臣直  
前伸友以  
罪君奚身  
之錯

深卿宜商量如何穩便者公輔頃在翰林與臣久同  
職任臣今據理辨直則涉於私黨之嫌希旨順承則  
違於匡輔之義涉嫌止貽於身患違義實玷於君恩  
徇身忘君臣之耻也別嫌獎義主之明也臣今不敢  
冒行所耻亦賴陛下明聖而鑒焉古語有之順旨者  
愛所由來逆意者惡所從至故人臣皆爭順旨而避  
逆意非忘家為國捐身成君者誰能犯顏色觸忌諱  
建一言開一說哉是以哲后興王知其若此求諫如  
不及納善如轉圜諒直者嘉之訐犯者義之愚淺者

變一  
一而  
而升  
直

三句可與  
高岳爭高

怨之誑誕者容之仍慮驕汰之易滋而忠實之不聞  
也於是置敢諫之鼓植告善之旌懸戒慎之鞞立司  
過之士猶懼其未也又設官制以言為常由是有史  
為書警為詩工誦箴諫大夫規誨士傳言庶人謗尚  
恐其怠也每歲孟春道人以木鐸徇於路而振警之  
官師相規工執藝事以諫其或不恭那有常刑然非  
明智不能招直言非聖德不能求過行招直則其智  
彌大求過則其德彌光唯衰亂之朝闇惑之主則必  
諱其過行忿其直言以阿諛為納忠以諫諍為揚惡

後淫布獲  
聽期達情

怨讟溢於下國而耳不欲聞。腥德達于上天而心不  
求悟。迨乎顛覆猶未知非情之昏迷。乃至於是。故明  
者廣納以成德。闇者獨用而敗身。成敗之途。千古相  
襲。與敗同轍者。罔不覆。與成同軌者。罔不昌。以陛下  
日月之明。江湖之量。自當矯夏癸殷辛。拒諫飭非之  
慝。協大禹成湯。拜言改過之誠。矧又時運方屯。物情  
猶鬱。乃是陛下握髮吐哺之日。宵衣旰食之辰。士無  
賢愚。咸宜錄用。言無小大。皆務招延。固不可復有忤  
逆之嫌。甘辛之忌也。夫君人者。以衆智爲智。以衆心

五言曲瀨  
少烟波

爲心。恒恐一夫不盡其情。一事不得其理。孜孜訪納。  
唯善是求。豈但從諫不拂而已哉。乃至求謗言。聽與  
誦。葑非不以下體而不採。故英華靡遺。芻蕘不以賤  
品而不詢。故幽隱必達。今公輔官在諫議。任居宰衡。  
獻替彌綸。乃其職分。比於芻蕘。葑非豈不優而且重。  
哉。此理之常。奚足怪也。縱使引喻非常。不猶愈於輿  
誦乎。矯激過深。不猶愈於謗言乎。晉文聽輿人之誦。  
而霸業興。虞舜設誹謗之木。而帝德廣。斯實聖賢之  
高躅。陛下何疾焉。聖旨又以造塔役費微小。非宰相



據理陳詞  
不阿不激

所論之事。下臣愚戇。竊謂不然。當問理之是非。豈論事之大小。若造塔爲是。役雖大而作之何傷。若造塔爲非。費雖小而言者何罪。夫小者大之漸。微者著之萌。故君子慎初。聖人存戒。知幾者所貴乎。不遠而復。制理者必在於未亂之前。本立輔臣置之左右。朝夕納誨。意在防微。微而弼之。乃其職也。涓涓不遏。終變桑田。啖啖靡除。卒燎原野。流燭已甚。禍災已成。雖欲救之。固無及矣。書曰。不矜細行。終累大德。易曰。小人以小善爲無益而不爲也。以小惡爲無傷而不去也。

相變家語  
不嫌蹈襲

故惡積而不可掩。罪大而不可解。然則小之不可不慎也如此。陛下安得使之勿論乎。虞書載咎繇之言曰。兢兢業業。一日二日萬幾。兢兢慎也。業業危也。幾者動之微也。唐虞之際。主聖臣賢。庶績咸熙。萬邦已協。而猶上下相戒。旣慎且危。慮事之微。日至萬數。然則微之不可不重也如此。陛下又安可忽而勿念乎。舜之爲君。始作漆器。羣臣固爭。咸謂非宜。漆器之爲用也甚堅。其爲費也甚寡。然猶相繼諷諫者。豈不欲杜其漸而慎其初歟。是知君臣之間。義同一體。事罔

處處破微  
小二字却  
是回龍點  
睛

心極虛  
甚怕

即借君言  
因以曉君  
可謂隊長  
三尺筆補  
天工

陸宣公集 卷之十五  
大小相瀆而成故舜命其臣曰作朕股肱耳目夫股  
肱之奉元首不以煩細而關於運行耳目之助於心  
靈不以么微而廢於視聽是以臣子之於君父也盡  
其敬而敬焉盡其愛而愛焉敬則願極於尊榮愛則  
懼陷於過惡萬邦黎獻莫不皆然而況位列朝廷任  
常輔弼主辱與辱主安與安此而不言誰復言者禮  
曰近而不諫則尸利也若宰相者可謂近矣事或乖  
悞得無諫乎武丁賢君也傳說賢相也而武丁引金  
作礪以命其相說論木從繩以戒其君是則輔弼之

任匡救攸屬巨細之事悉宜盡規陛下所言從費微  
小非宰相所論之事又謂指朕過失擬自取名此誠  
異乎愚臣之所聞是以願披肺腸而不敢自默者  
若以諫爭為指過則剖心之主不宜見罪於哲王若  
以諫爭為取名則匪躬之臣不應垂訓於聖典獻其  
列職竟使奚為左右有人復將焉用臣竊謂指過  
示直固不如改過以見稱進諫以取名固不如納  
之為美假有意將指過諫以取名但能聞善而遷見  
諫不逆則所指者適足以彰陛下莫大之善所取者

適足以資陛下無疆之休。因而利焉。所獲多矣。儻或怒其指過而不改。則陛下招惡直之譏。黜其取名而不容。則陛下被違諫之謗。是乃掩已過而過彌著。損彼名而名益彰。果而行之。所失大矣。一獲一失。可不慎乎。伏願嘉忤旨之忠。祛逆耳之吝。平積憤之氣。弭逆詐之情。然後試以愚言。反覆叅校。庶臻至理。且亮微誠。謹奏。

湯賓尹曰。有唐一代。人主最佞佛。故當時僧繇以七佛五菩薩住世。媚人主。以武曌之屠戮生靈。

夷唐社稷。罪高浮屠。而且尊之為如來。他可知。

也。唐安公主之物。德宗有季子之達。即葬興元。

忠然可也。有遺魄之戀。返葬舊京。亦可也。造塔之舉。

在奉胡為乎來哉。無非信佛因果。為作冥塗津梁耳。

公輔之見。正是宰相能事。厥後憲宗以佛骨蠱。

衆懿宗又欲迎佛骨。甚且曰。朕得見之。死亦無。

恨。及迎至京師。降樓膜拜。流涕霑臆。其惑也。乃。

爾。顧以公輔為取名哉。此篇懇到。而又極和平。

足以啓人主之信受。

不容。雖。也。明。季。京。師。幸。刻。平。道。亦。有。由。代。  
彼。名。第。遠。宗。文。錄。賊。物。也。其。且。以。賊。將。展。文。派。水。無。  
慎。乎。公。補。之。長。王。長。宰。尉。道。事。巡。察。憲。宗。以。壯。骨。壘。  
道。許。時。爲。平。來。越。燕。非。許。將。因。果。爲。許。實。壘。擊。舉。耳。  
徵。試。何。也。有。豈。馴。之。戀。或。藝。舊。京。亦。何。也。豈。學。之。舉。  
也。由。是。定。公。主。之。世。憲。宗。有。季。子。之。豈。唱。藝。興。示。  
夫。豈。孤。野。罪。高。平。浪。而。且。善。之。豈。收。來。此。何。以。

又答論姜公輔狀

右欽淑奉宣聖旨、省卿所奏公輔事宜、雖甚知卿盡忠、然似未會朕意、朕意公輔才行、共宰相、都不相當、在奉天時、早欲停罷、後因公輔辭退、朕已對面許訖、尋屬懷光背叛、遂且因循容到山南、公輔知朕必擬移改、所以固論造塔事、實直取名、據此用心、豈是良善、朕所以惆悵者、祇緣如此、卿今疑朕不能納諫、殊乖本意者、臣以戇執、務在朴忠、推理而言、有懷必盡、審意玄妙、非凡所窺、如臣懵昧之才、且無希伺之志、

良此一此  
小事胸中  
福鬼不化  
德宗之量  
亦可見

奏報失旨宜其固然所冀錄微款而矜至愚實天下  
幸甚古人有言曰明主者可以理奪又曰主賢則臣  
直今陛下稟天縱之才備明聖之資臣若抱理莫伸  
守直不固上虧至化罪莫大焉輒復據直道而理其  
前言惟陛下留意幸察臣竊以領覽萬幾必先虛其  
心鏡鑑羣情必先誠其意蓋以心不虛則物或見阻  
意不誠則人皆可疑阻於物者物亦阻焉疑於人者  
人亦疑焉萬物阻之兆人疑之將欲感人心致於和  
平盡物理使無紕繆是猶却行而求及前人也無乃  
愈疎乎孔子曰不遷怒不億不信豈非懼於肆情逞  
憾以至于失中違道者哉臣之區區志欲匡輔是以  
前者疏奏願陛下平積憤之氣弭逆詐之情然後試  
以愚言反覆叅校庶臻至理且亮微誠今陛下以素  
欲廢罷公輔之心而謂其所行皆非良善則是遷怒  
而積憤之氣未平也陛下揣公輔知必移改之意而  
謂其所言皆欲取名則是億不信而逆詐之情未弭  
也逆詐未弭積憤未平固宜公輔獲戾於蓄疑下臣  
見尤於乖意謂之至當則或不然夫臣之獻言以助

三疊頂針  
宣公慣用  
此法

千篠迎風  
尾搖颺

見尤於乖意謂之至當則或不然夫臣之獻言以助

染烟華  
曰左洛激

理也。君之求諫以弼違也。言苟助理何必以人而廢  
言。諫苟弼違何必責意而拒諫。若彼言無足用意。雖  
善而奚為。諫有可從人。雖咎而寧捨。古先聖王所以  
採葑非。詢芻蕘。傳謗言。用仇怨。急於聽納。乃至於斯。  
其意無他。惟義所在。願陛下不以憎嫌而遺其片善。  
不務精察而謂之大明。忠言者利於行而拂於情。唯  
計慮至熟。乃能無忤。幸紆宸鑒。更審所宜。謹奏。

湯賓尹曰。德宗長於篇什。每與學士言詩於洛堂。  
夜分不寐。亦是一代風流人主。只是器量不宏。

猜疑難化。是以人亦不安。時懷友側。他日宣公

右曲咏禁中春樹曰。高枝分曉月。虛吹雜宵鐘。其感

武本動人主之虚心者。始觸物而輒具也。幾應接所

以行營將士。猶舉幽隴為名。今之元兇。乃其舊帥。曠

下則楚林助亂。刺門則朱滔黨姦。獨此偏師。漂然河

上。其營幕則寄于他土。其家屬則陷于匪人。又為亦

卷之十五

其意無他惟義所在願陛下不以情慈而過其罪  
不務精察而謂之大明忠言者利於行而所  
計慮慮人主之盡心肯欲陳此而慎其  
衆禁中春憐曰高外公魏氏盡之雖宵斡其風  
辭致曠外長以人亦不妄執其  
日宜公

興元論請優獎曲環所領將士狀

右曲環所領一軍悉是朱泚部曲或頃在鳳翔所管  
或本從河朔同來後因汴宋用兵權抽赴彼應援所  
以行營將士猶舉幽隴為名今之元兇乃其舊帥岐  
下則楚琳助亂薊門則朱滔黨姦獨此偏師漂然河  
上其營幕則寄于他土其家屬則陷于匪人又屬汴  
路姦虞浚城而覆糧餉屢絕資裝久殫士卒常情固  
難安處是宜潰歸舊管否則散適樂郊而曲環撫之  
悉無離叛孤軍自守亦不苟從處危能安聞難輒赴

羽衛森嚴  
有蕭蕭馬  
鳴悠悠旂  
蓋之意

曲環不能  
達者宜公  
代達之其  
保全將士  
為國惜才

甚推齊肅累著功勳。近日將帥之中。罕有如環之比。考其才節。絕有過人。但緣羈寓多時。窮匱轉甚。繼陳章奏。言極酸辛。告急朝廷。則力未能救。求哀郡府。則人莫見憂。覽其辭情。可為流涕。若失於應接。則終以危亡。良將義徒。實在深惜。願陛下不以常人遇之。不以常事遣之。方今勢可相資。唯有江左完實。恐須密勅韓滉。切令瞻恤。此軍器甲衣糧咸使周足。因賜劉洽手詔。亦委加意保持。若得自存。必有成績。非艱難無以表特操。非英聖不能全異才。有功見知。人必悅。

三語軒賞

勸臣不勝區區為國獎善拯危之意。謹啓事以聞。謹奏。

湯賓尹曰。將者國之爪士。義則君臣。恩猶父子。故兵寡則益之以兵。食乏則濟之以食。夫是以作其敵愾之心。銜珠浴鐵。白骨蔽於草莽。甘之若飴也。曲環自宜公保持之後。食足兵彊。與韓滉劉玄佐鼎足而撐半壁之天下。他日聯袂入朝。鳴珂帝里。為邦家之光。皆優獎之典。有以致其忠順也。



其瀕瀕之小。海移。帝。雖。自。昔。始。創。草。莽。世。之。亦。以。其。寡。限。益。之。以。共。食。之。惟。所。法。以。食。夫。豈。以。非。為。實。我。日。繼。亦。謂。之。非。上。美。朕。其。恩。離。父。弟。弟。寒。于。詔。亦。委。加。意。保。持。若。得。日。存。必。有。成。績。非。難。難。可。謂。不。烈。且。為。國。獎。善。外。以。意。請。部。傳。以。聞。蓋。

與元論解蕭復狀

右欽淑齋蕭復表示臣兼奉宣聖旨朕比緣李懷光兇狂權且就此迴避山南既與京畿接近指麾兵馬日望收城今蕭復勸朕令幸江陵表狀之中張皇頗甚朕不會其意昨問從一從一亦甚驚恠不知事由蕭復奏事官李克朕適與對其語亦似不是純良此人莫是李承昭家子弟否卿宜審看蕭復表中意趣斟酌奏來者臣伏觀其表兼揣其情蓋以遠路傳聞事多失實大臣獻納務且竭誠雖有過當之虞失中

懇切周到  
既出脫蕭

復又不觸  
德宗之怒  
所以爲伴

之策。但宜勿用。不足爲尤。何則。駐蹕奉天。迺難已甚。況又不駐。艱危可知。蕭復備位樞衡。奉使宣撫。忽聞變。故寧免驚憂。梁岷之間。窮隘特甚。輦輓攸止。資奉實難。凡在戀主之誠。各懷後后之志。是以延賞奉迎。於西蜀韓滉。望幸於東吳。此乃臣子之常情。古今之通禮。蕭復所請。亦類於斯。事雖非宜。意則可恕。李克項任御史。臣嘗與之同僚。其人。是故福建觀察使。李椅之男。共成昭房。從已遠。未煩通敏。性亦溫恭。宗族之中。足稱佳器。伏願更廣詢訪。方驗臣言。不誣謹奏。

湯賓尹曰。人之情性。各見一方。西蜀公子。與東吳王孫。所以各斬望幸。而不自知其計。左失當也。昔有美芹。泉而獻至尊者。謂之愛。非其道。則可。失緣。原其情。不可不謂之。不愛君也。蕭復之勸遷江陵。何以異此。不知答之。臣於魏銑之戮於唐。亦所委。以四面受敵。非建都之所也。而勸帝都之。蕭復之爲人臣。亦可知矣。宣公此疏。旣爲德宗釋其惑。又爲蕭復釋其愆。情事兩伸。忠懇流溢。

以四面受端非我情之也而博帝精之也  
於所以異此不味等之耳故踐越之然其亦  
通其靜不可不隨之不愛其也蕭蕭之也  
昔亦美其集而熾至善本階之愛非其與  
王終以各神望幸而不自味其情式夫當也  
之也其氏曰人之制到各具一也西晉公千與東吳

又答論蕭復狀

右歛淑奉宣聖旨。卿所奏蕭復事。朕已具悉。假使更  
無別意。終是不職事宜。更令巡行諸道。轉恐事多垂  
失。緣孟皞年老。今欲除蕭復為福建觀察使。便令赴  
任。去就亦應得所。卿意以為何如者。伏以將相之任。  
所委皆崇中外。迭居亦是常理。然君臣有禮。進退不  
可以不全。事體有宜。本末不可以不稱。頃盜興都邑。  
駕適郊畿。陛下悔征賦之殷繁。念黎元之困悴。誕降  
慈旨。深示憫傷。特遣大臣。普詢疾苦。本期還報。將議

優蠲衆情顛顛日望上達若今未終前命遽授遠藩  
則是膏澤將布而復收。渙汗已發而中廢。事既失望  
人何以觀。斯乃進退之禮不全。本末之宜不稱。謂爲  
得所。臣實疑之。儻慮處事乖方。不欲淹留在外。則當  
論以詔旨。促其歸程。遠郡巡歷未周。但令副介分往。  
待其復命。親訪物情。革弊垂恩。用符德號。使務既畢。  
能否益彰。徐擇所宜。以圖進退。庶於事體允得厥中。  
謹奏。

湯賓尹曰。宋人邵伯溫曰。公卿大夫。當知國體。以  
蔡確之奸。投之死地。亦何足惜。范忠宣知國體者  
也。故每欲薄確之罪。夫以大奸如確。而猶欲特之  
有體。況蕭復一言不合。使命未畢。而據授遠藩。甚  
非事體。以禮進退人臣者。似不如是。宣公此疏。非  
特爲蕭復也。大臣敬則。朝廷始尊。無非忠於謀國  
之意。

論裁爲蕭趙也。大。臣。趙。四。國。逐。就。朝。應。裝。別。外。諸。國。  
待。非。喪。歸。以。派。數。人。引。首。以。不。收。其。宣。公。此。趙。非。  
能。亦。歸。出。蕭。趙。一。言。不。合。於。命。未。畢。而。難。外。數。蕭。其。  
謹。也。趙。其。趙。蕭。之。罪。夫。以。大。我。收。而。難。外。其。之。  
蔡。蕭。之。我。其。之。派。此。亦。可。以。引。首。其。忠。宣。收。國。難。其。

與元論續從賊中赴行在官等狀

右欽淑奉宣聖旨。近日徃徃有卑官從山北來。皆稱  
自京城偷路奔赴行在。大都此輩多非良善。有一邢  
建。論說賊中體勢。語最張皇。察其事情。頗是窺覘。今  
且令留在一處安置。如此之類。更有數人。若不根尋。  
恐有姦計。卿宜商量如何穩便者。臣伏以任總百  
者。與一職之守不同。富有萬國者。與百揆之體復異。  
蓋尊領其要。卑主其詳。尊尚恢弘。卑務近細。是以練  
覈小事。糾察微姦。此有司之守也。維御萬樞。選建庶

命三篇  
勤慎篤  
疏彷彿  
之

突法麗密  
自公穀綬  
狐射始傳  
化求

長。總綱而衆目咸舉。明邇而羣方自通。此大臣之任也。愚智兼納。洪纖靡遺。蓋之如天。容之如地。垂旒黻。纘而黜其聰察。匿瑕藏疾。而務於包含。不示威而人畏之。如雷霆。不用明而人仰之。如日月。此天子之德也。以卑而僭用尊道。則職廢于下。以尊而降代卑職。則德喪于上。職廢則事不舉。德喪則人不歸。事不舉者。弊雖切而患輕。人不歸者。釁似微而禍重。茲道得。人所關與亡。聖王知宇宙之大。不可以耳目周。故清其無爲之心。而觀物之自爲也。知億兆之多。不可以

智力勝。故壹其至誠之意。而感人之不誠也。異於是者。乃以一人之聽覽。而欲窮宇宙宇之變態。以一人之防慮。而欲勝億兆之姦欺。役智彌精。失道彌遠。故宣尼述陶唐之盛曰。唯天爲大。唯堯則之。周詩美文王之德曰。不識不知。順帝之則。是皆覆育萬物。渾然大同。無好無惡。不忌不克之謂也。項籍納秦降卒二十萬。慮其懷詐復叛。一舉而盡坑之。其於防虞亦已甚矣。漢高豁達大度。天下之士至者。納用不疑。其於備慮可謂疏矣。然而項氏以滅。劉氏以昌。蓄疑之與推

叙往古或  
詳或畧姿

誠其效固不同也。秦皇嚴衛雄猜而荆軻奮其陰計。光武寬容博厚而馬援輸其款誠。豈不以虛懷待人。人亦思附。任數御物。物終不親。情思附則感而悅之。雖寇讐化爲心膂。有矣。不則懼而阻之。雖骨肉結爲仇慝。有矣。臣故曰茲道。所關與亡代。惟陛下。下睿哲文思。光被四表。孝友。百。然猶化。未大同。俗未至理者。良以知。有輕待人臣之。心思周萬機。有獨馭區寓之。謀。吞衆略。有過慎之。防明照羣情。有先事之察。嚴求百辟。有任刑致。

指出予聖  
自如之意  
奇豪邁

規威制四方。有以力勝殘之志。由是才能者怨於不任。忠蓋者憂於見疑。著勲業者懼於不容。懷反側者迫於攻討。馴致離叛。構成禍災。兵連于外。變起于內。歲律未半。乘輿再遷。國家艱屯。古未嘗有。以陛下至聖之德。而遘茲殷憂之期。天其或者欲大起睿心。儆小失而崇丕業耳。臣謂陛下當奉若天意。追咎已然。凡所致寇之由。悉已詳知其故。將革前弊。以消羣疑。今承德音。尚襲流誤。若未悔禍。何由弭災。臣獲蒙過知。又辱下問。若務順旨。是爲欺天。庸敢指陳。庶裨闕。

龍驤伐吳  
順流而行  
成破竹之  
勢

漏往歲初奮師旅四征不庭義烈之徒人思自效捨  
逆歸欵者繼獻于闕下陳謀諫失者爭詣于禁門陛  
下能於此時乘軍氣之方雄因人心之願盡輟沐浴  
哺虛襟坦懷海納風行不疑不滯功者報之義者旌  
之直者獎之才者任之其或有志而無補於時敢言  
而不當其理亦必恕其妄作錄其善心率皆優容以  
禮進退如此則海內風靡翕然歸心賢愚咸懷小大  
畢力蕞爾兇醜曾何足平臣固知久已理安必無奉  
天之幸矣其所以孕禍胎而索義氣者在乎獨斷宸

此處皆黎  
江之鬼說  
有快爽

慮專任睿明降附者意其窺覷輸誠者謂其遊說論  
官軍撓敗者猜其挾姦毀沮陳兇黨強狡者疑其爲  
賊張皇獻計者防其漏言進諫者憚其宣訪凡此之  
類悉貽聖憂咸使拘留謂之安置或結責而寘於客  
省或勞慰而延於紫庭雖呵獎頗異其辭然於圈閉  
一也旣杜出入勢同狴牢解釋無期死生莫測守護  
且峻家私不通一遭繫維動歷年歲想其痛憤何可  
勝言由是歸化漸稀而上封殆絕矣徇義之心旣阻  
脅從之黨彌堅而貴近之臣往來之使希望風旨詭



輕躁寡謀  
之狀如燭  
那杆

辭取容唯揣樂聞不憂失實咸言聖謀深遠策略如  
神小寇孤危滅亡無日陛下急於誅惡皆謂其事信  
然窮兵竭財坐待平一人心轉潰寇亂愈滋遂致轂  
下生戎宮闈不守儻陛下能於此際遽敷大號謝過  
萬方叙忠良見忌之寃而舉其尤鯁亮者加之厚秩  
糾阿諛不實之罪而數其極姦妄者處之大刑賞罰  
既明忠邪畢辨以此臨下誰敢不誠以此懷人何有  
不服過而能改亂亦適安臣固知尋復京師必無滌  
岷之遊矣陛下既闕慎于始又失圖于中收之西隅

百萬軍聲  
半夜潮是  
其雄壯

新美似鳳  
而春色

唯在茲日豈可復使一事糾繆一言過差哉今賊泚  
未平懷光繼叛都邑城闕狹狷迭居關輔郊畿豺狼  
雜處朝廷辟介於遠郡道路緣歷於連山杖策從君  
其能有幾推心降接猶恐未多稍不禮焉固不來矣  
若又就加猜刻且復囚拘使反者得辭來者懷懼則  
天下有心之士安敢復言忠義哉卵胎不傷麟鳳方  
至魚鱉咸若龜龍乃遊蓋悅近者來遠之資懷小者  
致大之術也竊料邢建等輩必非助逆之徒假如過  
有張皇跡涉疑似亦望矜愚惜體屈法裕人並量器

能隨事甄貸武者措之於戎伍文者付之於宰司大則授以職員次但優其選序必有須離行在難處親軍則或除諸道一官或委諸使錄用就其常分各稍加息古人有言撫我則后虐我則讐惠澤所及謳歌不歸流聞四方孰不欣戴昔趙殺鳴犢聖人輟行燕尊郭隗賢士繼往况乎天子所作天下式瞻一言阻則天下莫不自疑一事恤人則天下莫不同悅固可以小失爲無損而不悔亦不可以小善爲無益不行小猶慎之矧又非小願陛下惟事無大小皆以覆車之輒爲戒實宗社無疆之休謹奏

湯賓尹曰。察見淵魚者。古人謂之不祥。是以知微者。兵在於頸。求福者。褚藏其頭。寧可網漏吞舟。不可車盈載鬼。危急之際。姦人刺客。豈其無之。而宸居羽衛之牢。彼亦何能措手。而乃似食飯之惑孔。掇蜂之疑賢。獨不思光武坦懷於伏波。太宗推心於敬德。故能雙嶠創帝。四海爭雄。德宗不知撫世大道。而欲以囊底小智。剗滅羣雄。此實難矣。宣公數往。讐啓新善。使人懔然而懼。

躍然而醒。可謂氣凌五岳。筆敵萬夫。

不。可。車。盈。輝。泉。或。意。之。烈。感。人。帥。容。道。其。無。之。  
春。兵。五。八。腰。束。融。昔。齋。燕。其。與。寧。下。離。賦。吞。其。  
武。實。其。日。察。良。職。魚。休。古。入。階。之。不。報。且。以。味。難。  
以。嬰。車。之。神。為。必。實。宗。振。舞。靈。之。不。難。泰。一。大。

陸宣公奏草卷之十六

唐吳郡陸贄著

宣城湯賓尹評

武林王挺生訂

與元請撫循李楚琳狀

右件官比緣性行無良，多為時議所惡，頻被封章論奏，言其心挾兩端，若不防隄，恐妄生窺伺，謂宐斥絕，用杜姦邪。近者鳳翔使來，絕不蒙恩召見，滯留數輩，竝未放還，伏恐陛下不忍忿心，頗從輿議，以臣蠢戇，竊謂非宐。李楚琳乘時艱危，倣擾岐下，賊殺戎帥，款

亦見駕馭之術

君畫形勢  
君聚米為  
山織悉不  
覆圖經地  
理皆藏腹

結兇渠奉天之圍頗亦有助其於叛亂海內彰聞論  
者今始紛紜一何知見之晚邪但以乘輿未復大憝  
猶存勤王之師悉在畿內急宜速告晷刻是爭商嶺  
則道迂且遙維谷復為盜所扼僅通王命唯在褒斜  
此路若又阻艱南北遂將夏絕以諸鎮危疑之勢居  
二逆誘脅之中洶洶羣情各懷向背彼勝則往我勝  
則來其間事機不容差跌倘或楚琳發憾公肆猖狂  
南塞要衝東延巨猾則我咽喉梗而心膂分矣其勢  
豈不甚病哉且楚琳本懷唯惡是務今能兩端顧望

馭得其道  
祖詐咸作  
使

乃是天誘其衷故通歸塗將濟大業陛下誠宐深以  
為念厚加撫循得其持疑便足集事儻能遷善亦可  
濟師今若徇褊狹之談露猜阻之跡懼者甚眾豈唯  
一夫自昔能建奇功或拯危厄未必皆是絜矩之士  
溫良之徒驅駕擾馴唯在所馭朝稱兇悖夕謂忠純  
始為寇讐終作卿相知陳平無行而不棄忿韓信自  
王而遂封蒯通以析理獲全雍齒以積恨先賞此漢  
祖所以恢帝業也置射鈎之賊而任其才釋斬祛之  
怨以免於難此桓文所以弘霸功也然則當事之要

不忍小耻  
者不足以  
成大功信

雖罪惡不得不容。適時之安。雖仇讐不得不用。陛下  
必欲精求素行。追扶宿疵。則是改過不足以補愆。自  
新不足以贖罪。凡今將吏。豈得盡無疵瑕。人皆省思。  
孰免疑畏。又况阻命之輩。脅從之流。自知負恩。安敢  
歸化。斯變非小。所宜速圖。孔子曰。人而不仁。疾之已  
甚。亂也。又曰。小不忍。則亂。大謀君陳曰。無忿疾于頑。  
又曰。必有忍。其乃有濟。伏願陛下必以英主大略。聖  
人格言為元龜。固不可納豎儒小忍。以虧撓興復之  
業也。臣不勝憂國至計。謹啓事以聞。謹奏。

湯賓尹曰。人品亦何常哉。固有巔末一致之人。亦  
有欽有前後兩截之變。如懷恩懷光。本忠于國者也。  
今幸忽而名隸丹籍。秀琳李祐。本脅于敵者也。忽而  
此名功著。鼎彝楚琳乘危。似櫻。塵固難滿。而能遲疑  
昨者兩端。惡猶未稔。况當沸羹之時。為楚琳所為者。  
官但詎少也。而一旦料理。矧時。是使懷奸者。  
終不革面。悔過者無由自新也。宣公處屯之時。  
而行解之法。真能平章軍國重任。

請。以。海。東。一。百。一。十。餘。年。雖。地。甚。遠。而。其。功。績。亦。著。  
 化。兩。龍。惡。澤。未。滅。火。常。消。美。之。非。為。茲。極。而。為。昔。  
 以。薄。鼎。彝。裝。極。乘。以。以。對。亦。以。難。而。非。豈。豈。  
 以。而。今。縣。民。謙。表。極。李。祿。本。曾。于。嫡。青。此。感。而。  
 人。亦。前。於。兩。姓。之。變。收。對。恩。對。武。本。忠。于。國。善。此。  
 亦。真。氏。日。入。品。亦。同。常。若。固。有。巔。末。一。姓。之。人。亦。

與元論中官及朝官賜名定難功臣狀

右欽淑奉宣聖旨。比在奉天將士。並賜名定難功臣。  
 今宰臣等商量。扈從中官。辛苦至甚。亦合依例。並賜  
 此名。朕以南衙朝士之中。有經奉天重圍。又似卿等。  
 昨者奔赴行在。涉歷危險。亦極艱難。今不問中官朝  
 官。但經重圍。又到山南者。並擬賜名定難功臣。卿宜  
 商量。豈不穩便者。陛下惠霑執御。仁洽庶寮。念隨難  
 之憂危。恤從巡之勞苦。議增寵飾。將賜嘉名。事雖未  
 行。意則已就。凡在貴近。固知銜恩。睿旨淹詳。復詢庸

典雅似舊  
川生

賤。惟精惟慎。允謂防微。顧省何知。屬當下問。臣若自  
貪榮號。傍懼怨憎。因循順成。不極所見。心且知負。如  
天鑒何。是以不揆言之淺深。不計身之利害。但輸狂  
直。唯聖所裁。臣聞賞以懋庸。名以彰行。賞垂其庸。則  
忠實之效。廢名浮於行。則瀆冒之弊。興一足以撓國  
權。一足以亂風俗。授受之際。豈容易哉。頃以駐蹕奉  
天。迫於患難。竟攘兇逆。實賴武人。遂旌定難之勲。特  
賜功臣之目。名頗符實。事亦會時。所需雖多。誰曰非  
允。至如宮闈近侍。班列具臣。雖奔走恪居。各循厥職。

楚莊王破  
潘崇京觀  
之說化來  
鳳凰臺詠  
真可與鸚  
鵡洲詠匹

而驅除翦伐。諒匪所任。又屬皇輿再遷。天禍未悔。見  
危無補。曷謂功臣。致寇方深。孰云定難。縱使遭罹。圍  
逼。跋履崎嶇。難則當之。定將安據。勞或有矣。功其謂  
何。大凡有生之倫。莫不各親其類。賤彼貴我。抑惟常  
情。黜異獎同。亦是常性。臣忝縉紳之列。又當受賜之  
科。竊自校量。猶知不可。而况於公議乎。况於介冑之  
士乎。人之多言。靡所不至。必謂陛下溺愛近習。故徇  
其苟得之情。汎該羣司。以分其私昵之誼。怨不在大。  
釁皆自微。必將沮戰士激勵之心。結勳臣憤恨之氣。

暑月懷水  
亦有霜氣

所悅者寡。所愠者多。所與者虛名。所失者實事。所悅者。臣下之夸志。所病者。國家之大猷。利害皎然。不爲難辨。且名者。衆之所評也。是曰公器。亦爲爭端。覈之至精。猶患相軋。處或乖當。安能勿踰。以漢高之制服。雄豪。太宗之削平。區宇天下既定。乃論功勳。有蕭曹之殊庸。有房杜之碩畫。戰守經略。倬乎殊倫。猶謂豐沛故人。刀筆文吏。諸將不服。頗相訐揚。乃至攘袂指天。拔劍擊柱。偶語謀反。誼譁訟寃。矧今國步猶艱。王化未洽。方資武力。以殄寇讐。蓋非恩倖競進之時。文

角逐之日。當功而獎。尚恐未孚。獎又非功。固宜見誦。儻有節效。尤著理當。褒崇賞典。甚多何必在此。其餘別無績用。例徇驅馳。且侯賊平。甄錄非晚。謹奏。

湯賓尹曰。宦官星曜在河鼓旗之間。翊衛鈞陳。簇

擁華蓋。不可無也。小心勤勞。如呂強張承業之

徒。豈日無之。然亦時當戒飭。不可使之有功。况無功而冒爲功乎。若以其小善小信。足以固結

君心。而開關牧圉。憫其力同牛馬。而賜之日定。難功臣。當時在朝縉紳。稍有志氣者。不爲臧堅。



之自。棧。則。爲。袁。絲。之。變。色。矣。德。宗。目。擊。輔。國。朝。恩。之。橫。而。躬。自。蹈。之。向。非。宣。公。力。沮。則。定。策。國。老。天。子。門。生。豈。待。乾。符。而。後。見。哉。

雄。豪。赫。華。益。不。可。無。也。不。以。禮。樂。收。召。越。越。承。業。之。感。實。天。日。宣。宮。星。軌。或。所。越。越。之。間。附。滯。陰。刺。難。翁。限。無。餘。用。國。而。颺。颺。且。外。類。平。理。幾。非。與。蠶。奏。指。請。斷。亦。適。效。武。著。聖。當。與。崇。貴。典。其。奉。回。必。齊。此。其。不。可。不。察。之。日。當。以。所。與。然。未。平。楚。及。其。也。國。宜。良。

興元賀吐蕃尚結贊抽軍迴歸狀

右欽。澈。奉。宣。聖。旨。適。得。渾。瑊。奏。比。日。尚。結。贊。頻。使。人。計。會。擬。自。領。兵。馬。剋。期。同。收。京。城。緣。春。來。蕃。軍。多。有。疾。疫。近。得。探。報。尚。結。贊。等。竝。抽。兵。退。歸。不。知。遠。近。朕。意。緣。吐。蕃。土。馬。強。盛。又。以。和。好。之。義。自。請。將。兵。助。國。討。賊。朝。夕。望。其。成。功。今。忽。抽。軍。退。歸。甚。失。準。擬。渾。瑊。李。晟。等。諸。軍。兵。馬。竝。不。至。絕。多。若。無。蕃。軍。應。援。深。慮。彼。賊。衝。突。卿。試。料。量。事。勢。如。何。者。臣。質。性。孱。昧。不。習。兵。機。但。以。人。情。揆。之。時。亦。偶。有。所。得。自。承。此。旨。欣。賀。

中原有驅逐隱忍用此物原出于不得已

實深竊謂蕃戎退歸。乃是社稷遐福。昨日已附欽。澈口奏訖。伏恐未盡愚款。尚勞聖憂。謹復披陳。庶解疑結。彼吐蕃者。犬羊同類。狐鼠為心。貪而多防。狡而無恥。威之不格。撫之不懷。雖或時有盛衰。大抵常為邊患。陰詐難御。特甚諸夷。陛下但舉建中已來近事。準之。則我心難知。固可明矣。頃者方靖中夏。未遑外虞。因其乞盟。遂許結好。加恩降禮。有欲無違。而乃邀求寢多。翻覆靡定。託因細事。噴有煩言。首尾凡歷四年。要約竟未堅決。立碑纔畢。復請改移。猜矯多端。於斯

兩相推委未有倚角之用反成矛盾之形

動遭掣肘何由奏功

可驗。逮至盜驚都邑。駕幸郊畿。結贊總戎在邊。因請將兵赴難。陛下推誠允納。厚賂招徠。逗留持疑。竟不特進。無濟討除之用。但攜將帥之心。懷光遠至猖狂。頗亦由茲促禍。及皇輿再駕。移蹕漢中。陛下猶望蕃兵以寧內難。親倚之情彌厚。屈就之事亦多。豺狼野心。曾不知感。翻受朱泚信使。意在觀變。推移頻與諸軍。剋期至時。皆不赴會。致令羣帥進退憂虞。欲捨之獨前。則慮其懷怨乘躡。欲待之合勢。則苦其失信。稽延既姦且驕。曷望成績。非唯變態難測。且又妨擾實

飛勢汪洋  
詞義曠達

深。戎若未歸。寇終不滅。臣請復爲陛下根本。其說則人情物理。昭然皆可得而察焉。向者謀誘蕃兵。本是使臣失策。陛下急於戡亂。嘉彼效誠。唯恐後時。不暇詳議。遽降優詔。促令進軍。遠近聞之。莫不危駭。將帥意陛下不見信任。且患蕃戎之奪其功。士卒恐陛下不恤舊勞。而畏蕃戎之專其利。賊黨懼蕃戎之勝。不歿則悉遺之擒。百姓畏蕃戎之來。有財必盡爲所掠。是以順於王化者。其心不得不怠。陷於寇境者。其勢不得不堅。怠我之師。堅寇之衆。戎心變詐。復未可量。

非我族類  
其心必異  
正此之謂

以此益兵。但招其損耳。以此靖國。適資其亂耳。抑昨蕃戎未退。臣又竊有過憂。流聞結贊好謀。恐其潛蓄姦計。倘或幸朝廷播越之際。乘賊泚窮蹙之時。輕犯近郊。若升虛邑。耀兵牧馬。不却不前。外奉國家。內通兇逆。兩峙誘脅之勢。俱納贈遺之資。旁觀戰爭。坐乘衰敝。如此則王師不得伐叛。烝黎不得寧居。賊必耗亾。我亦困竭。京甸所有。勢無孑遺。千里丘墟。得將安用。是乃戎有萬全之利。我有不測之危。臣所以痛心傷神。晝驚夕惕者。慮其意及於此也。所賴天奪其魄。

天誘其衷  
吐蕃自遁

以順討逆  
如拉枯朽  
何必紛紛  
唇外兵平

豈有舍累  
棄天子而  
降賊之理  
宣公料之  
甚審

神降之災。觀機若瞋。遘厲自遁。實昊穹悔禍之應。列  
聖垂祐之期。廓清妖氛。慶必非遠。何以知其然也。且  
賊泚之亂。始於暴兵。因徵役之繁興。乘衛禁之闕備。  
誘扇羣慝。遂謀大姦。逆天僭君。躬肆攻逼。凡此血氣。  
皆知惋嗟。矧伊忠良。孰不痛憤。獨惡無與。何能久存。  
加以聖德日新。改過不吝。布革弊之詔。弘恤隱之懷。  
天下黎元。翕然遷善。易心改觀。厭亂思安。和風既揚。  
昏稜自斂。蠢茲狂悖。久合殲夷。頃屬懷光昏迷。緩師  
養寇。吐蕃干撓。生事惑人。故使義士無施。厲階猶梗。

今懷光別保蒲絳。吐蕃遠避封疆。形勢既分。腹背無  
患。城戍諸帥。才力得伸。又各士馬非多。資糧向竭。若  
不降賊。卽須建功。此輩寵任已崇。貴位已極。建功則  
寵增而位固。降賊則名辱而身危。况賊之兇惡。滅亾  
可必。賊之孤劣。翦撲非難。孰肯捨固而就危。違寵而  
從辱。棄垂成之業。臣將滅之虜哉。既牽於利害之情。  
理不同惡。又迫於單乏之急。勢難久居。勢理相驅。安  
能無戰。渾瑊統戴休顏。韓游瓌乘其西北。李晟率駱  
元光尚可孤。攻其東南。同病相資。自當合力。但願陛

下慎於撫接。以奮起忠勇之心。勤於砥礪。以昭蘇遠  
近之望。中興大業。旬月可期。不宐尚眷眷於犬羊之  
羣。以失將士之情也。臣愚不任懇悃之至。輒以私懷  
忖度。謹冒昧以聞。謹奏。

湯賓尹曰。晉嘗與白狄伐秦。秦亦與白狄伐晉。春  
秋訊之。謂其引豺狼入春園也。安史肇亂。河朔  
淪凶。外召回紇。共芟大難。然其無饜之求。鷹戾  
之性。骨稜而血漿。齊民之受齧者。慘矣。讀少陵  
花門若雷原野。蕭瑟之詠。惻乎其有餘悲焉。賊

泚逆天。人神痛憤。以我鷹揚之輩。麟虎之羣。  
捷伐之何憂。罪人之不得哉。乃甘與犬羊同事。  
方有齟齬。遂起鬪端。是樹兵也。幸而自歸。臣民  
方舉手加額。而德宗如手足之喪。是堂堂大國。  
蠢爾小夷。能關我之重輕。豈不貽笑于天下萬  
世。

陸宣公集 卷之十一

蠢爾小夷。猶關并之重。豈不謂美乎。天下萬  
式舉。牛賦。勝而。斷宗。收。千。火。之。發。是。堂。堂。大。西。  
式。有。曠。曠。數。或。國。能。是。樹。兵。少。幸。而。自。誠。亞。只。  
對。外。之。河。曼。罪。人。之。不。許。甚。以。甘。典。大。羊。同。車。  
斯。與。天。人。輒。獻。辭。以。非。凱。對。之。輩。誦。誦。之。章。

狀  
興元奏請許渾城李晟等諸軍兵馬自取機便

右欽淑奉宣聖旨。省卿所奏。蕃軍退歸。及關中體勢。  
理皆切當。甚慰朕懷。然渾城李晟等諸軍。須有商量。  
規畫。令其進取。朕見欲遣使宣慰。卿宜審細條疏。速  
奏來者。臣聞將貴專謀。兵以奇勝。軍機遙制。則失變。  
戎帥稟命。則不威。是以古之賢君。選將而任。分之於  
闔。誓莫干也。授之以鉞。俾專斷也。夫然。故軍敗則死。  
衆。戰勝則策勳。不用刑而師律貞。不勞慮而武功立。

清兵編上  
紀律森然

珠璣吐耀  
錦繡生香

儼若相文  
節制步伍  
毫亂

其於委任之體。豈不博矣哉。其於責成之利。豈不精  
覈哉。自昔帝王之所以夷大艱。成大業者。由此道也。  
其或疑於委任。以制斷由已。為大權。昧於責成。以指  
麾。願昔為良將。鋒鏑交於原野。而決策於九重之中。  
機會變於斯須。而定計於千里之外。違令則失順。從  
令則失宜。失順則挫君之嚴。失宜則敗君之衆。用捨  
相礙。否臧皆凶。上有掣肘之譏。下無死綬之志。其於  
分畫之道。豈不兩傷哉。其於經綸之術。豈不都謬哉。  
自昔帝王之所以長亂繁刑。喪師蹙國者。由此道也。

茲道得失。兵家大樞。當今事宜。所繫尤切。蓋以寇盜  
克斥。乘輿播遷。人心有觀變之搖。王室無自固之重。  
秦梁迴繚千里而遙。臨之以威。則力勢不制。授之以  
策。則阻遠不精。頃者驟降詔書。教諭羣帥。事無大小。  
悉為規裁。及乎章表陳誠。使臣復命。進退遲速。率乖  
聖謀。豈皆樂於違忤哉。亦由傳聞與指實不同。懸算  
與臨事有異故也。設使其中。或有肆情干命者。陛下  
能於此時。戮其違詔之罪乎。臣竊恐未能也。陛下復  
能奪其兵而易其將帥乎。臣亦恐未能也。是則命

受俄登壇  
指揮如意

三代詔命  
其精嚴不  
過如此

陸宣公全集 卷之十六  
者既。不。果。行。罰。從。命。者。又。未。必。合。宜。徒。費。空。言。祇。勞。  
睿。慮。匪。唯。無。益。其。損。實。多。何。則。時。方。艱。屯。下。陵。上。替。  
凡。在。執。干。戈。而。衛。社。稷。者。皆。自。謂。勲。業。由。已。義。烈。發。  
心。安。於。專。行。病。於。羈。制。陛。下。宜。俯。徇。斯。意。因。而。委。之。  
遂。其。所。安。護。其。所。病。敦。以。付。授。之。義。固。以。親。信。之。恩。  
假。以。便。宜。之。權。待。以。殊。常。之。賞。其。餘。細。故。悉。勿。開。言。  
所。賜。詔。書。務。從。簡。要。慎。其。言。以。取。重。深。其。託。以。示。誠。  
言。見。重。則。君。道。尊。託。以。誠。則。人。心。感。尊。則。不。嚴。而。衆。  
服。感。則。不。令。而。事。成。其。勢。當。令。智。者。騁。謀。勇。者。奮。力。

小。大。咸。極。其。分。賢。愚。各。適。其。懷。將。自。效。忠。兵。自。樂。戰。  
與。夫。迫。於。驅。制。不。得。已。而。從。之。者。志。氣。何。啻。百。倍。哉。  
夫。君。上。之。權。特。異。臣。下。者。唯。不。自。用。乃。能。用。人。其。要。  
在。順。於。物。情。其。契。在。通。於。時。變。今。之。要。契。頗。具。於。茲。  
儻。蒙。宥。思。或。有。可。取。謹。奏。

湯。賓。尹。曰。建。牙。闔。外。責。任。至。隆。所。云。無。天。於。上。無。  
地。於。下。相。機。征。勦。運。用。由。心。奏。膚。功。殄。勅。寇。良。  
有。以。也。柰。何。後。之。為。君。者。進。止。機。宜。令。稟。成。畫。  
往。返。踰。旬。形。見。勢。露。遂。至。鐘。鼓。不。靈。旌。旗。削。色。



而君乃悵然悔推轂之失也。亦舛矣。是以興王啓霸。不卒委劍之鋒。而闕土開疆。用侈彫弓之。賜。兵。言。曰。將。能。而。君。不。御。者。勝。宜。公。其。得。之。矣。

勳。業。未。以。知。百。可。以。勤。矣。

五。賦。成。賦。其。美。五。賦。成。賦。

與。夫。賦。成。賦。不。昏。以。而。辨。之。昔。忠。康。所。嘗。百。計。其。小。大。其。蘇。其。合。賀。愚。谷。蘇。其。蘇。深。自。效。忠。兵。自。樂。輝。

興元論賜渾瑊詔書為取散失內人等議狀

右德亮承旨并錄先所散失內人名字令臣撰詔書以賜渾瑊遣於奉天尋訪以得為限仍量與資裝速送赴行在者頃以理道乖錯禍亂荐鍾陛下思咎懼災裕人罪已屢降大號誓將更新天下之人垂涕相賀懲忿釋怨煦仁戴明畢力同心共平多難止土崩於絕岸收版蕩於橫流殄寇清都不失舊物實由陛下至誠動於天地深悔感於神人故得百靈降康兆庶歸德苟不如此自古嘗有擲棄宮闕失守宗祧繼

忠所義胆  
讀之凜然

逆於赴難之師。再遷於蒙塵之日。不踰半歲而復興。  
大業者乎。今渠魁始平。法駕將返。近自郊甸。遠周寰  
瀛。百役疲瘵之眦。重傷殘廢之卒。皆忍死扶病。傾耳  
竦肩。想聞德聲。翹望聖澤。陛下固當感上天悔禍之  
眷。荷烈祖垂裕之休。念將士鋒刃之殃。愍黎元塗炭  
之酷。以致寇爲戒。以居上爲危。以務理爲憂。以復言  
爲急。損之又損。尚懼汰侈之易。滋艱之惟艱。猶患戒  
慎之難久。謀始盡善。克終已稀。始而不謀。終則何有。  
夫以內人爲號。蓋是中壺未流。天子之尊。富有宮掖。

禮源采之  
難掃迷魂  
之辨

如此等輩。固繁有徒。但恐傷多。豈憂乏使。翦除元惡。  
曾未浹辰。奔賀往來。道路如織。何必自虧君德。首訪  
婦人。又令資裝。速赴行在。萬目閱視。衆口流傳。恐非  
所以答慶賴之心。副惟新之望也。夫事有先後。義有  
重輕。重者宜務之於先。輕者宜措之於後。故武王克  
殷。有未及下車而爲之者。有下車而爲之者。蓋美其  
不失先後之宜也。自翠華播越。萬姓靡依。清廟震驚。  
三時乏祀。當今所務。莫大於斯。誠宜速遣大臣。馳傳  
先往。迎復神主。修整郊壇。展禋享之儀。申告謝之意。

奠除宗廟  
以死恤孤  
是中興所  
切要者

然後弔恤死義。慰犒有功。綏緝黎烝。優問耆耄。安定反側。寬宥脅從。宣暢鬱埋。褒獎忠直。官失職之士。復廢業之人。是皆宜先。不可後也。至如崇飾服器。繕緝殿臺。備耳目之娛。選巾櫛之侍。是皆宜後。不可先也。宜後而先。則為君之道喪。宜先而後。則理國之義差。古之興王。必慎於此。陛下將務興復。又安可不慎乎。且散失內人。已經累月。既當離亂之際。必為將卒所私。其人若稍有知。不求當自陳獻其人。若甚無識。求之適使憂虞。自因寇亂。喪亾頗有大於此者。一

康柳殘花  
要他何用

索懷懼必多餘孽。尚繁羣情。未一因而善撫。猶恐危疑。若又懼之于何。不有昔人所以掩絕纓而飲盜馬者。豈必忘其情愛耶。蓋知為君之體。然也以少妨大明者。不為天下固多美人。何必獨在於此。易曰。危者安其位者也。亂者有其。故君子安不忘危。理不忘亂。是以身安而國以固其國。或無難以喪其誠。以處危。則思安之情切。遭亂則求理之志深。切於思安。深於求理。國之固也。不亦宜乎。及夫居安而驕。恃理而怠。驕則縱肆其

在危城之中  
骨肉難保  
絕得平妥  
便寃內入  
此是措  
點真切處

大樹將軍  
口願陛下  
無忘河北  
之難余亦  
曰德宗不  
忘奉天之  
願斯為聖  
主矣

奢欲怠則厭惡於忠言。奢欲日行。忠言日梗。國之喪也。不亦宜乎。昔衛獻出奔。久而復國。大夫迎於境者。執其手而與之言。迎於門者。餽之而已。言其驕怠之易生也。齊桓將圖霸功。管仲戒之以無忘在莒。懼其情志之易變也。今臣亦願陛下企思危固。國如不及。懲怠亂喪國如採湯。以在莒為書紳之規。以衰衛為覆車之鑒。則德為帝範。理致時雍。與夫貪逸欲而踐禍機。其利害亦云遠矣。所令撥賜。渾瑊詔未敢承旨。伏惟聖裁。謹奏。

湯賓尹曰。德字在窮促之中。萬鎊攢心。千絳觸目。凜凜焉。七尺之難保。而况於嬪嬙乎。屬上將之恟心。肆長鯨之授首。亟宜素衣哭廟。奔問國殤。而爭博齊姬。輒思心賞於六箸。投壺玉女。每與歡盡於百饒。總脫餓虎之谿。宛到陽臺之上。人之好色亦太甚矣。且彼曠女。一出深宮。不作玉謝堂前之燕。必嫁凍風墻外之柯。即使訪回。豈堪御幸言之。可資盟噓。

州蓋以百餘縣。州之者。宜隆。州之土人。而年。則齊。職。神。思。亦。賞。故。六。齊。對。盡。王。女。其。與。州。心。報。身。報。之。對。首。宜。宜。素。亦。矣。祇。亦。問。因。意。稟。稟。燕。小。人。之。難。於。而。其。外。故。敢。謝。平。品。士。報。之。國。宣。年。日。以。年。亦。亦。亦。亦。中。萬。離。贊。亦。干。亦。亦。

陸宣公奏草卷之十七

唐吳郡陸

贄著

明

宣城湯宿尹評

武林馬

元訂



鑾駕將還宮闕論發日狀

心恩月悉

右先頒勅旨已定行期所司供承亦聞粗備但以霖潦方甚道路阻艱衆情同憂莫敢論奏今發日漸逼陰雲尚繁小大嗷嗷愁懼轉甚臣雖闇鈍亦竊揣量豈不知元惡初平餘氛未殄乃是逆順將分之際吉凶多變之時須速鎮安理宜促駕向使霖潦為害人

鳥道青真  
風泉洞壑  
恍寫筆墨  
間

功可施。其備禦由於智能。其役用止於煩費。其所患  
不及於性命。其可憂但在於人臣。則當公私罄財。上  
下竭力。務寧大業。奚恤暫勞。各應叶奉。聖規安敢復  
忤成命。良以褒斜峻阻。素號畏途。緣側逕於巔巖。綴  
危棧於絕壁。或百里之內。歷險且千。或一程之中。涉  
水數四。若遇積雨。滯浸羣峰。澍流巨石。崩奔訇隱。相  
繼深谷。瀾漫往來不通。悉非功力之所支。籌畧之所  
過。斯須之頃。跬步之間。倉皇邁歿。皆不可測。匹夫單  
騎。尚且過防。况萬乘時行。千官景從。而可蹈不存之

不存之  
地危屬車  
之塵思得  
周到

險。冒無禦之災乎。如或磴路深崩。閣道淹圯。環衛之  
儀。少缺屬車之馬。微驚縱有億徒。何所為用。陛下欲  
無駭慮。其可得乎。又或霑滯更深。谿澗皆溢。逕路既  
絕。傳送無由。連山萬重。進退不可。一日乏食。將如之  
何。陛下欲無軫憂。固亦難矣。人主舉措。宜圖萬全。必  
先事以防危。不臨危而求幸。幸而獲濟。貽媿也。深不  
幸。罹災追悔何及。孔子曰。欲速則不達。誠哉是言。臣  
今非敢阻陛下欲速之情。但頗以不達為慮耳。儻廻  
睿旨。少俟開晴。則發期雖延。涉路無滯。不疾而速。允

叶乾行。知幾其神。是謂天鑒。竊聞羣議。輒以上陳。悽  
悽懇誠。實冀昭納。謹奏。

湯賓尹曰。帝座上應微垣。不可輕動。雖和鑿清道。  
猶時有衝磨之虞。而况登頓崎嶇。上下險惡。積  
雨淋潦。蘚滑苔滋。巨崖欲崩。雲封徑絕。縱萬靈  
呵護。必不失足於分寸之間。而億兆牧圉。必至  
匍匐於輿衛之下。少俟開霽。旋軫舊京。萬無一  
危。計莫過此。人臣之愛君。不啻如愛身也。信哉。

請釋趙貴先罪狀

右欽淑奉宣聖旨。前者共卿商量趙貴先。欲恕其罪。  
朕朝來更問諸將。皆云貴先順從朱泚。則是逆人。合  
依常刑。不可寬捨。衆人意既如此。應難釋放。卿宜知  
悉者。臣愚以爲貴先從逆之罪。法當不容。貴先陷身  
之由。情則可恕。陛下所議矜宥。原其情也。諸將所議  
誅戮。據於法也。據法而除君之惡者。人情之常志。原  
情而安衆之危者。人主之大權。臣主之道。既殊。通執  
之方。亦異。言各有當。體各有宜。事或相駁。而無傷此。

出脫兩邊  
口舌伶俐

之謂也。往以襄城告急，詔命隴右發兵，齊映率衆東行。貴先卽其部將，于時軍至，昭應適遇，駕幸奉天。齊映馳歸鳳翔，貴先獨守營幕，進無總帥，退闕亂兵，遂爲賊泚所招，給以同迎鑾，駕泚旣反，狀未露，貴先安得不從。已受邀畱，遂遭刦制，身縻僞職，兵隸兇徒。雖居賊中，亦不見任，首末事跡，簡在天心。臣亦親承德音，非獨聞於傳說。其於情狀，頗有足矜。所可受責之辜，雖在不能守節而死耳。貴先倘能守節，卽是忠烈之徒，固獲褒旌。豈資寬捨。凡所議讞，蓋緣獄疑，罪疑

九

惟輕實編令典，脅從罔治，亦載聖謨。况復懷光未殲，希烈猶熾，遭罹誘陷，其類實繁。今京邑初平，皇猷更始，乃是汙俗觀化之日，聖王布德之時，所用刑章，尤宜審慎。一輕一重，理亂攸生，宥之以恩，則自新者咸思歸命，斷之以法，則懷懼者姑務偷生。衆心旣偷，賊勢思固，不忍一朝之忿，而貽累歲之憂。苟循匹夫之談，以興億衆之役，爲計若此，夫何利之有焉。曩者羯胡亂華，染汙士吏，肅宗興復，累降赦書，罪止渠魁，餘所不問。河朔遺孽，旣聞德澤之弘，被且幸脅汙之見



鑿覆車之  
轍詞肯痛  
懇

原人人皆自然。尤各悔歸國之晚。及乎三司按罪。繼用嚴科。未降之流。復喜得計。慶緒將消。而再結思明。已附而重攜。浸長厲階。至今爲梗。豈不以任法吏而虧權道。小不忍而亂大謀者乎。昔漢高帝既定四方。見諸將往往偶語謀反。乃問張良曰。爲之柰何。良曰。陛下所最恨者爲誰。帝曰。雍齒與我有舊。而數窘我。良曰。今急封雍齒。則人人自堅矣。帝用良計。諸將果安。皆云。雍齒且侯。吾屬何患。蓋以圖霸王者。不牽於常制。安反側者。罔念於宿瑕。今陛下有漢高之英貴。

宛滌宿垢  
正見維新  
之治

先無雍齒之釁。加戮不足威暴逆。矜全可以定危疑。明恕而行。盛德斯在。何所爲慮。尚勞依違。微臣區區上言。蓋爲將來張本。凡非首惡。皆願從寬。庶使負累之徒。莫不聞風而化。消姦兇誘惑之計。開叛亂降附之門。此其大機。不可失也。陛下前意。固爲善矣。伏惟不爲浮議所移。謹奏。

湯賓尹曰。人臣之惡。莫大於從賊。貴先旣曳組於賊泚之庭。雖通身是口。難以解釋。但始而給之以迎鑾。旣而遭之以刳制。貪生忍耻。不能保歲。

寒之操。而井堙木刊。庶幾無棘澤之慘。含元殿。上之擊彼。則避焉。凝碧池頭之悲容。或有矣。原情議赦。刑法匪弛。於以見宣公忠恕也。

論替換李楚琳狀

右欽淑奉宣聖旨。李楚琳不可久任鳳翔。欲候朕到日。簡擇一人。替楚琳克節度使。楚琳別與一官。便隨朕歸京。既有迎駕諸軍。威勢甚盛。因此替換。亦是權宜。卿宜商量穩便否者。臣聞王者有作先懷。永圖謀必可傳事。必可繼。不因利以苟得。不乘便而幸成。故能上下相安。而理可長久也。彼楚琳者。固是亂人。乘國難而肆逞其姦。賊邦君而篡居其位。按以典法。是宜滂瀦。既屬多虞。不遑致討。乃分之。以旄鉞。又繼之。

以寵榮逮至南巡。頗全外順。道塗無壅。亦有賴焉。雖朝命累加。蓋非獲已。然王言一出。則不可渝。縱闕君臣之恩。猶須進退以禮。今若因行幸之威。勢假迎扈之甲。兵易置以歸事。同虜執以言乎。除亂則不武。以言乎務理。則不誠。禍變繁興。為日久矣。負蒙居位。豈唯一人。以此時巡。後將安入。以此撫御。誰其感懷。昔漢高僞遊。韓信見獲。功臣繼叛。天下幾危。征伐紛紜。以至沒代。其微倖之不可也。如此陛下。得不為至戒哉。議者謂之權宜。臣又未論其理。夫權之為義。取類

輕重權衡  
曲直繩墨  
枉置不差

舉動光明  
正大詞亦  
如之

權衡者秤也。權者錘也。故權在於衡。則物之多少。可準。權施於事。則義之輕重。不差。其趣理也。必取重。而捨輕。其遠禍也。必擇輕。而避重。苟非明哲。難盡精微。故聖人貴之。乃曰。可與適道。未可與立。可與立。未可與權。言知機之難也。今者甫平大亂。將復天衢。輦路所經。首行脅奪。易一帥而虧萬乘之義。得一方而結四海之疑。乃是重其所輕。而輕其所重。謂之權也。不亦反乎。以反道為權。以任數為智。君上行之。必失眾。臣下用之。必陷身。歷代之所以多喪亂。而長姦邪。

萬鍊成句 却無苦索 乏態

在表綠錯 之甲惡河

字法何法 紫玉難彫

由此誤也。夫以韓信才略。當時莫儔。且負嫌猜。已遭  
告訐。縱之足以亂區宇。除之可以安國家。幸而成擒。  
猶謂失策。當時被攻戰之害。百代流詭。詐之譏。况楚  
琳卒伍。凡材。厮養賤品。因時擾攘。得肆猖狂。非有陷  
堅殪敵之雄。出奇制勝之略。頗同狐鼠。乘夜睢盱。晨  
光既升。勢自跲縮。今郊畿已乂。武衛方嚴。汧隴鎮壓  
於其西。邠涇扼制於其北。顧是岐下。若居掌中。以楚  
琳瑣劣之資。處掌中控握之地。縱令躡躅。何惡能為。  
願陛下姑務含弘。普安反側。促駕邁止。錄功犒勤。敷

其告之恩。布惟新之令。然後召章臯。楚琳俾入分文  
武之職。擇元勳宿望。令出總岐隴之師。則彼承認。欣  
榮奔走。不暇安敢。董介復勞。誅鋤措置。得宜。萬無一  
跌。何遽過動。不為後圖。仰希濬聰。試更詳慮。謹奏之

湯賓尹曰。帝王舉動。不徒行之於一時。時亦將垂之  
於永久。凡微倖之謀。狙詐之術。若張儀之於懷  
王。楚虔之於蔡侯。取快一時。流毒千載。淮陰王  
奔之糾。正其餘瀆也。楚琳性既兇獍。又行凌悖。  
時屬艱難。權授節鉞。倏焉易置。有虧典常。朝廷

若慮其踰躅而沂隴郊涇其為牽制借使力如  
鳥獲既以千鈞戴其首復以萬鈞壓其尻雖欲  
跳梁其將焉往況楚琳卑卑不及格者乎宣公  
之料事審矣

國實氏曰帝王舉運不卦于文一其水澤重之

起冲數豈運不為卦圖以帝歡鄭清更精憲蠲奏

榮衣表不邳交頌董介與受精幽昔置皆宜萬無一

五之艱對元運富望今出縣刻蠲之神頌郊承請

書書之以亦對謙之令然對各章畢笑梅野人食文

收河中後請罷兵狀

昨日欽淑奉宣聖旨示臣馬燧渾瑊等奏平懷光收  
河東狀兼令臣商量須作何處置令欽淑奏來者兇  
梗殲盪關畿廓清實聖謀廣運之功亦宗廟無彊之  
祚應須處置大略已附欽淑口陳展轉傳言恐未盡  
意謹復薦其固陋願陛下少留察焉臣聞禍或生福  
福亦生禍喪者得之理得者喪之端故晉勝鄆陵范  
燮祈死吳克勁越夫差啓殃是知福不可以屢徼幸  
得不可以常覬覦居福而慮禍則其福可保見得而

老成慎重

忘喪則其喪必臻。臣竊懼諂希旨之徒。險躁生事之輩。幸兇醜覆亡之會。揣英主削平之心。必將競效甘言。誘開利欲。謂王師所向莫敵。謂餘孽指顧可平。請迴蒲坂之戈。復起淮沂之役。斯議一啓。必有亂階。故微臣姑以生禍為憂。而未敢以獲福為賀也。何則。建中之難。其事可徵。始以蓄憾而隘於合容。或以亟勝而輕於戰伐。故文喜之討。涇上之瘡。痛未平。崇義之征。漢南之芟夷。繼甚。阻命之帥。非不誅也。伐叛之師。非不克也。介焉之斷。非不堅也。赫斯之怒。非不逞也。然以人不見恤。惟戮是聞。有辜無辜。不敢自保。是以抱釁反側者。懼鈇鉞之次。加畏禍危疑者。慮猜譖之災。及遂乃螽結以拒討。狼顧以背恩。彌兩河而亘淮。夷盪三輔而盜京邑。鑿輅為之再駕。行宮至於合圖。于時海內大搖。物情幾去。天命莫保。於寸晷。王威不出於一城。邦國之杌。惺艱屯綿綿。聯聯若包桑。贅旒幸而不殊者。屢矣。勢之危窘。實足寒心。非有曩時熊羆翕習之師。雷霆發奮之勢。武庫劔戟之利。帑藏財賦之殷。其所以施令率人。取威定亂。比於建中之

肅定思痛  
念於痛時

若觀武庫  
乏兵矛戟  
森然

建中之

始。豈不至微至微哉。然而陛下懷悔過之深誠。降非常之大號。知黷武窮兵之長亂。知急征重斂之勦財。知殘人肆欲之取危。知違衆率心之稔慝。知悉庶困極之興怨。知上下鬱堙之失情。德音渙然。與之更始。所以宣敷之際。聞者莫不涕流。雖或兇獷匪久。亦必為之歔歔。誠之動物。乃至于是。斯懷梟鷄。以好音消。稜。沴。為和氣。由是姦回易慮。黎獻歸心。假王叛渙之夫。削偽號。以請罪。觀鬻首鼠之將。壹純誠。以效勤。流亡凍餒者。希保於室家。屯戍戰爭者。冀全其性命。德澤

業覆於正  
戒不得不  
為之過慮

孔雀搖金  
駟駿顧影  
可愛可賞

將竭而重霈。君臣已絕而更交。天下之情。翕然一變。曩討之而愈叛。今釋之而畢來。曩以百萬之師。而力殫。今以咫尺之詔。而化洽。是則聖王之敷理道。服暴人。任德而不任兵。明矣。羣帥之悖臣禮。拒天誅。圖活而不圖亡。又明矣。尚恐陛下以臣言之略。而未喻也。請復循其本。而申備之。往以河朔青齊。同惡相扇。擁戎據土。易代不庭。陛下耻王化之未同。忿姦慝之靡格。於是發六軍神策。河陽河東。澤潞朔方之騎士。以徂征於北。命永平汴宋。幽隴江淮。閩嶺之將卒。以奮

萬寶常扣  
雜物宮商  
畢備陸宣  
公吐危語  
禱彩咸流

伐于南。罄國家廩帑以贍軍。悉公私廐牧以張武。算  
歛周於萬類。徵徭被於八荒。勞已甚矣。威亦盛矣。既  
而曠日綿歲。老師費財。兩河之寇患。有加無瘳。而邦  
本已始覆矣。洎涇卒唱亂。泚戎構災。豺狼整居於禁  
闈。猘獠擇肉於馳道。河朔問罪之眾。布路而歸。宋郊  
仗順之師。守壘不暇。于斯之亂。海內沸騰。儻有問鼎  
之雄圖。滔天之巨猾。幸災乘間。何所不為。既而悅納  
之儔。咸自歛縮。內無非望之議。外無軼境之侵。及聞  
天澤滌瑕。制書復爵。曾不藉芥。望風款降。爭馳表章。

唯恐居後。跡其素志。於此可知。是皆假兵救怨之流。  
戀土偷安之輩。懷生畏死。蠢動之大情。慮危求安。品  
物之恒性。有天下而子百姓者。以天下之欲為欲。以  
百姓之心為心。固當遂其所懷。去其所畏。給其所求。  
使家家自寧。人人自遂。家苟寧矣。國亦固焉。人苟遂  
矣。君亦泰焉。是則好生以及物者。乃自生之方。施安  
以及物者。乃自安之術。擠彼於死地。而求此之久生。  
也。從古及今。未之有焉。措彼於危地。而求此之久安。  
也。從古及今。亦未之有焉。是以昔之聖王。知生者人



之所樂而已。亦樂之。故與人同其生。則上下之樂兼得矣。知安者人之所利而已。亦利之。故與人共其安。則公私之利兩全矣。其有反易常理。昏迷不恭。則當外察其崛強之由。內省於撫馭之失。修近以來遠。檢身而幸人。故書曰。惟干戈省厥躬。又曰。舞于羽于兩階。七旬有苗格。孔子曰。遠人不服。則修文德以來之。既來之。則安之。此其證也。如或昧於懷柔。務在攻取。不徵教化之未至。不疵誠感之未孚。惟峻威是臨。惟忿心是肆。視人如禽獸。而曝之原野。輕人如草芥。而

禽獸草芥  
猶當愛惜

仁人之言  
猶多少緩  
氣

勦之。銛鋒叛者不賓。則命致討。討者不克。則將議刑。是使負釁者懼必死之誅。奉辭者慮無功之責。編昨以困於杼軸而思變。士卒以憚於死喪而念歸。萬情相攻。亂豈有定。一夫不率。闔境罹殃。一境不寧。普天致擾。兵連禍結。變起百端。故孔子曰。遠人不服。而不能來也。邦分崩離析。而不能守也。而謀動于戈於邦內。吾恐季孫之憂。不在顓臾。而在蕭牆之內矣。此蓋必然之常理。至當之格言。足以為明鑑。元龜貫百王。而不易者也。事乃反覆。得無懼乎。夫理有必然。則殊

禍起蕭牆  
履信泥揚

途歸於同徹。言有至當。則異代應如合符。頃以東北孽徒。職貢廢闕。陛下忿其違命。大舉甲兵。至令逆泚誘姦乘釁而動。所備之寇。猶遠介於河山。不虞之戎。已竊發於都輦。蕭牆之戒。不其信歟。前典垂訓。既如彼。遐事明驗。又如此。所以德音叙哀痛之情。悔征伐之事。引衆慝以咎已。布明信以示人。既往之失。畢懲莫大之辜。咸宥約之以省賦。誓之以息兵。由是億兆浮人。四三叛帥。感陛下自新之旨。悅陛下盛德之言。革面易辭。具修臣禮。其於深言密議。固亦未盡坦然。

人心方且  
危疑不可  
再為煩擾

危下手處  
必思其終  
天下第一  
高手

必當聚黨而謀。傾耳而聽。觀陛下所行之事。考陛下所誓之言。若言與事符。則遷善之心。漸固。儻事與言背。則慮禍之態。復興。自京邑底寧。乘輿旋返。屬懷光繼亂。天討又行。息兵之言。我則未復。山東羣帥。所以未敢生亂者。蓋為河中之地。密近王城。迫於朝夕之虞。不得不剪除之爾。今若改轅移旆。復指淮西。則淮西元兇。必將誑脇其同惡之徒。間說於新附之帥。謂之日奉天。息兵之旨。乃因窘急而言。朝廷稍安。必復誅伐。是以朱泚滅而懷光戮。懷光戮而希烈征。希烈

與其再行  
始惜國體  
愈傷何如  
自安恬  
培元氣

儻平禍將次及。則彼之蓄素疑而懷宿負者。能不為之動心哉。心既動。則盈其喪身覆族之憂。憂既盈。則慮以脣亡齒寒之病。夫病同者。雖胡越而相慙。憂同者。不邀結而自親。河朔青齊。固當響應。建中之禍。勢必重興。以家國再造之初。當羣孽息肩之後。迭來鳴吠。或肆奔衝。討之則我力未遑。縱之乃寇患斯甚。臣愚竊以為禍非細。未審陛下何方以待之。若有其方。侮之可也。如其未有。願陛下勿輕易焉。凡將圖終。必在慎始。禍機一發。難可復追。臣請粗陳當今維馭之

氣和發於  
形管讀之  
如餐流澤  
而飲玉膏

所宜。唯聖主省擇。萬一夫君之大柄。在惠與威。二者兼行。廢一不可。惠而罔威。則不畏。威而罔惠。則不懷。苟知夫惠之可懷。而廢其取威之具。則所敷之惠。適足以示弱也。其何懷之有焉。苟知夫威之可畏。而遺其施惠之德。則所作之威。適足以召敵也。其何畏之有焉。故善為國者。宣惠以養威。蓄威以尊惠。威而能養。則不挫。惠而見尊。則有恩。是以惠與威交相蓄也。威與惠互相行也。人主之欲柔遠人。而服強暴。不明斯術之要。莫之得焉。今皇運中興。天禍將悔。以逆泚

魏往威風  
結末一節  
卷之十七

之偷居上國以懷光之竊保中畿歲未再周相次梟  
殄實衆慙驚心之日羣生改觀之時威則已行惠猶  
未洽誠宜上副天眷下收物情布恤人之惠以濟威  
乘滅賊之威以行惠宥河中染汙之黨悉無所問赦  
淮右僭逆之罪咸與維新蠲貸疲暍休罷戰士符往  
歲息兵之令以彰信丕大君含垢之德以布仁俾萬  
姓皆曰大哉王言又曰一哉王心如是則威不用而  
畏如神明惠不費而懷如父母凡在危疑懼討者必  
將曰淮右僭逆之罪且赦矣吾屬何患焉凡在脅從

同惡者必將曰河中染汙之黨且宥矣吾屬何病焉  
凡在倦苦思安者必將曰吾君有戰勝之師抑而不  
騁信乎其罷征矣凡在凋殘望理者必將曰吾君有  
嫉亂之憤忍而不摠信乎其恤隱矣天下之心若此  
而禍亂不息理道不行者無之臣所未敢保其必從  
唯希烈一人而已揆其私心非不願從也想其潛慮  
非不追悔也但以猖狂失計也竊大名雖蒙陛下全  
宥之恩然不能不自醜於天地之間耳縱未順命斯  
為獨夫內則無辭以起兵外則無類以求助其計不

不過自無  
自叫於山  
春於人無

過厚撫部曲偷容歲時心雖陸梁勢必不敢陛下但  
勅諸鎮各守封疆彼既氣奪算窮是乃狴牢之虜不  
有人禍則當鬼誅朝廷務崇德以待之臣固知其必  
不逃於所揣矣古所謂不戰而屈人之兵者斯之謂  
歟今若不顧機宜復興戎役瀆威而篋惠捨易而卽  
難是棄明信而務忿心假敵辭而資寇援窮者不暇  
恤勞者不得居國之安危或未可保此乃成敗理亂  
之所繫願陛下難之慎之區區上干憂惜在此儻蒙  
過納狂瞽不疑所行謹當草具招諭之辭詳陳備禦

之畫伏俟宣許方敢以聞謹奏

資格限自起

及湯賓尹曰兵猶火也不戢必有自焚之災阪泉之  
戰涿鹿之師豈得已哉兵以止兵無非為安民  
明驗和衆而設也故隴蜀甫得於底定而玉關卽閉  
於塞垣文子巨源之憂非迂腐也貪功喜事之  
者則人惟知執敵廟廷獻俘受賞孰知烏邊白骨空  
號夜月之魂野外愁雲時帶血腥之氣聞之酸  
鼻見之涕洟消稷沴為融和鑄劍戟為農器修  
文德於岩廊致三苗之來格於入君子所望於



說出一篇  
主意乃文  
之大關鍵  
處

達視其所  
舉如磁石  
引鉄氣自  
相合

欲抑先揚  
妙有商榷

駑鈍一無所堪。猥蒙任使。待罪宰相。雖懷竊位之懼。且乏知人之明。自揣庸虛。終難上報。唯廣求才之路。使賢者各以彙。征啓至必之門。令職司皆得自達。臣當謹守法度。考課百官。奉揚聰明。信賞必罰。庶乎人無滯用。朝不乏才。以此爲酬恩之資。以此爲致理之具。爰初受命。卽以上陳求賢。審官粗立綱制。凡是百司之長。兼副貳等官。及兩省供奉之職。并因察舉勞效。須加獎任者。并宰臣敘擬以聞。其餘臺省屬僚。請委長官選擇。指陳才實。以狀上聞。一經薦揚。終身保任。各於除書之內。具標舉授之由。示衆以公。明彰得失。得賢則進考增秩。失實則奪俸贖金。亟得則褒升。亟失則黜免。非止搜揚下位。亦可閱試大官。前志所謂達觀其所舉。卽此義也。自蒙允許。卽以宣行。南宮舉人。纔至十數。或非臺省舊吏。則是使府佐僚。累經薦延。多歷事任。議其資望。旣不愧於班行。考其行能。又未聞於闕敗。而議者遽以騰口。上煩聖聰。道之難行。亦可知矣。陛下勤求理道。務徇物情。因謂舉薦非空。復委宰臣揀擇。其爲崇任輔弼。博採輿詞。可謂聖

德之盛者也。然於委任責成之道。聽言考實之方。閑邪存誠。猶恐有闕。所謂委任責成者。將立其事。先擇其人。既得其人。慎謀其始。既謀其始。詳慮其終。終始之間。事必前定。有疑。則勿果於用。既用。則不復有疑。待終其謀。乃考其事。事愆于素者。革其弊而黜其人。事協于初者。賞其人而成其美。使受賞者。無所與讓。見黜者。莫得為辭。夫如是。則苟無其才。孰敢當任。苟當其任。必得竭才。此古之聖王。委任責成。無為而理之道也。所謂聽言考實。虛受廣納。弘接下之規。明目

前說在得入接之以謹始針線續密

疎散自得韓蘇大家之所由取

一決其源潛滔汨汨而出莫知紀極學者熟之無棘

達聰廣濟人之道。欲知事之得失。不可不聽之。於言欲辨言之真虛。不可不考之。於實。言事之得者。勿即謂是。必原其所得之由。言事之失者。勿即謂非。必窮其所失之理。稱人之善者。必詳徵行善之跡。論人之惡者。必明辯為惡之端。凡聽其言。皆考其實。既得其實。又察以情。既盡其情。復稽於衆。衆議情實。必參相得。然後信其說。獎其誠。如或矯誣。亦寘明罰。夫如是。則言者不雍。聽者不勞。無浮妄亂教之談。無陰邪傷善之說。無輕信見欺之失。無潛陷不辯之冤。此古之



澤涯更覺  
浩蕩

聖王聽言考實。不出戶而知天下之方也。陛下旣納  
臣言而用之。旋聞橫議而止之。其臣謀不責成。於橫  
議不考實。此乃謀失者。得以辭其罪。議曲者。得以肆  
其誣。幸是以行。觸類而長。固無必定之計。亦無必實  
之言。計不定。則理道難成。言不實。則小人得志。國家  
所病。恒必由之。昔齊桓公將啓霸圖。問管仲以害霸  
之事。管仲對曰。得賢不能任。害霸也。任賢不能固。害  
霸也。固始而不能終。害霸也。與賢人謀事。而與小人  
議之。害霸也。所謂小人者。不必悉懷險詖。敗覆邦家。

淺近攻擊  
已自刻入  
此老行文  
妙處

蓋以其意性儉邪。趣尚狹促。以沮議爲出衆。以自異  
爲不羣。趨近利而昧遠圖。效小信而傷大道。故論語  
曰。言必信。行必果。硜硜然。小人哉。夫以能信於言。能  
果於行。唯以硜硜淺近。不克弘通。宣尼猶謂其小人。  
管仲尚憂其害霸。况又有言行難保。而恣其非心者  
乎。此皆任不責成。言不考實之弊也。聖旨以爲外議  
云。諸司所舉。皆有情故。兼受賄賂。不得實才者。臣請  
陛下當使所言之人。詳陳所犯之狀。某人受賄。某舉  
有情。陛下然後以事質於臣。臣復以事質於舉主。若

姑息容奸  
乃德宗病  
根直刺中  
扁而文特  
潔淨

便首伏。則據罪抵刑。如或有詞。則付法閱責。謬舉者。必行其罰。誣善者。亦反其辜。自然憲典克明。邪慝不作。懲一沮百。理之善經。何必貸其姦賊。不加辯詰。私其公議。不出主名。使無辜見疑。有罪獲縱。枉直同貫。人何賴焉。聖旨又以官長舉人。法非穩便。令臣並自揀擇。不可信任。諸司者。伏以宰輔常制。不過數人。人之所知。固有限極。必不能徧諮多士。倘閱羣才。若令悉命羣官。理須展轉詢訪。是則變公舉為私薦。易明敷以暗投。倘如議者之言。所舉多有情故。舉於君上。

知詭察迴

此等文注  
出自短長  
而又加流  
走

且未絕私。薦於宰臣。安肯無詐。失人之弊。必又甚焉。所以承前命官。罕有不涉私詢。雖則秉鈞不一。或自行。情亦由私訪。所親轉為所賣。其弊非遠。聖鑒明知。今又將徇浮言。專任宰臣。除吏宰臣不徧諮識。踵前須訪於人。若訪於親。朋則是悔其覆車。不易前轍之失也。若訪於朝。列則是求其私薦。必不如公舉之愈也。二者利害。惟陛下更詳擇焉。恐不如委任長官。慎簡寮屬。所簡既少。所求亦精。得賢有鑒識之名。失實當闇謬之責。人之常性。莫不愛身。况於臺省長官。皆

翻駁如聯珠綴玉就  
不解順

是久當朝選孰肯徇私妄舉以傷名取責者乎所謂  
臺省長官卽僕射尚書左右丞侍郎及侍御史大夫  
中丞是也陛下比擇輔相多亦不出其中今之宰相  
則往日臺省長官也今之臺省長官乃將來之宰臣  
也但是職名暫異固非行業頓殊豈有爲長官之時  
則不能舉一二屬吏居宰相之位則可擇千百具寮  
物議悠悠其惑斯甚聖人制事必度物宜無求備於  
一人無責人於不逮尊者領其要卑者任其詳是以  
人主擇輔臣輔臣擇庶長庶長擇佐僚所任命愈崇故

蓋鑿中窮  
山管商化

水

所擇愈少所試漸下故所舉漸輕進不失倫選不失  
類以類則詳知實行有倫則杜絕徵求將務得人無  
易於此是故選自卑遠始升於朝者各委長吏任舉  
之則下無遺賢矣寘于周行旣任以事者於是宰臣  
序進之則朝無曠職矣才德兼茂歷試不渝者然後  
人主倚任之則海內無遺士矣夫求才貴廣考課貴  
精求廣在於各舉所知長吏之薦擇是也考精在於  
按名責實宰臣之序進是也求不廣則下位窄進下  
位窄進則用常乏人用常乏人則懼曠庶職懼曠庶

上下相

以帶

職則苟取備員。是以考課之法。不暇精也。考不精。則能否無別。能否無別。則砥礪漸衰。砥礪漸衰。則職業不舉。職業不舉。則品格浸微。是以賢能之功。不克彰也。皆失於不廣求人之道。而務選士之精。不思考課之行。而望得人之美。是以望得彌失。務精益求精。塞源浚流。未見其可。臣欲詳徵舊說。伏恐聽覽為煩。粗舉一端。以明其理。往者則天太后踐祚臨朝。欲收人心。尤務拔擢。弘委任之意。開汲引之門。進用不疑。求訪無倦。非但人得薦士。亦得自舉其才。所薦必行。所舉

獲得其效  
况於賢哲  
之君乎非  
漫說者

輒試。其於選士之道。豈不傷於容易哉。然而課責既嚴。進退皆速。不肖者旋黜。才能者驟升。是以當代謂知人之明。累朝賴多士之用。此乃近於求才貴廣。考課貴精之效也。陛下誕膺寶曆。思致理平。雖好賢之心。有踰前哲。而得人之盛。未逮往時。蓋由鑒賞獨任。於聖聰。搜擇頗難。於公舉。但速登延之路。罕施揀覈之方。遂使先進者。漸益凋訛。後來者。不相接續。施一令。則訪沮互起。用一人。則瘡痍立成。此乃失於選才太精。制法不一之患也。則天舉用之法。傷易而得人。

雙線矩矱  
森如

陛。下。慎。東。之。規。太。精。而。失。士。是。知。雖。易。於。舉。用。而。不。  
 易。於。苟。容。則。所。易。者。適。足。廣。得。人。之。資。不。為。害。也。不。  
 精。於。法。制。而。務。精。於。選。才。則。所。精。者。適。足。梗。進。賢。之。  
 途。不。為。利。也。人。之。才。行。自。昔。罕。全。苟。有。所。長。必。有。所。  
 短。若。錄。長。補。短。則。天。下。無。不。用。之。人。責。短。捨。長。則。天。  
 下。無。不。棄。之。士。加。以。情。有。憎。愛。趣。有。異。同。假。使。聖。如。  
 伊。周。賢。如。楊。墨。求。諸。物。議。孰。免。譏。嫌。昔。子。貢。問。於。孔。  
 子。曰。鄉。人。皆。好。之。何。如。子。曰。未。可。也。鄉。人。皆。惡。之。何。  
 如。子。曰。未。可。也。不。如。鄉。人。之。善。者。好。之。其。不。善。者。惡。

上慎始  
 信

辭折似翻  
 春壽

之。蓋。以。小。人。君。子。意。必。相。反。其。在。小。人。之。惡。君。子。亦。  
 如。君。子。之。惡。小。人。將。察。其。情。在。審。其。聽。聽。君。子。則。小。  
 人。道。廢。聽。小。人。則。君。子。道。消。今。陛。下。慎。選。宰。臣。必。以。  
 為。重。於。庶。品。精。擇。長。吏。必。以。為。愈。於。末。流。及。至。宰。臣。  
 獻。規。長。吏。薦。士。陛。下。則。但。納。橫。議。不。稽。始。謀。是。乃。任。  
 以。重。者。經。其。言。待。以。輕。者。重。其。事。且。又。不。辯。所。毀。之。  
 虛。實。不。校。所。短。長。人。之。多。言。何。所。不。至。是。將。使。  
 人。無。所。措。日。益。道。獨。選。任。之。道。失。其。端。而。已。乎。臣。  
 之。切。言。固。非。為。已。所。惜。者。致。理。之。道。所。感。者。見。遇。之。

恩輒因陳謝布露以聞惟陛下幸察謹奏

湯賓尹曰除授一塗蓋難言之矣專任相則有田

蚡除吏之嫌泛用人則有十羊九牧之患余以

爲臺省長官固當薦舉而宰相尤更重焉陶唐

之世契稷臯陶皆得互相推薦而十六族由舜

而舉重可知也輓近以降雖偏霸雜夷之朝用

一管仲王猛猶能使賢才無滯李吉甫爲相乃

曰報德惟在進賢豈臺省長官所可儷哉德宗

竝自揀擇之言亦爲有見宜公以德宗猜疑羣

下故言此以廣其心耳當識其意于言外

右緣班宏喪氏臣今日向取進止今當此選總有

人杜佑盧微李衡李武並曾守制賦各有績用可

稱資望人才亦舉獎任聖旨以淮南未可移動盧微

又近改官令杜佑一人與江西進取李衡者臣以支

之。世。界。覆。舉。則。皆。得。互。相。推。薦。而。守。其。族。由。愛。  
而。來。重。可。知。已。晚。近。以。降。雖。偏。霸。雜。夷。之。朝。用。  
一。管。仲。王。猛。猶。能。使。賢。才。無。滯。李。吉。甫。為。相。乃。  
曰。報。德。惟。在。進。賢。教。養。者。長。官。所。可。儆。故。德。宗。  
不。對。言。此。以。觀。其。心。其。當。滿。其。意。于。言。也。疑。君。

論宣令除裴延齡度支使狀

右緣斑宏喪亾，臣今日面取進止。今當此選，總有西  
人杜佑、盧徵、李衡、李英，並曾掌制財賦，各有績用，可  
稱資望人才，亦堪獎任。聖旨以淮南未可移動，盧徵  
又近改官，令臣擇一人與江西追取李衡者。臣以支  
計之司，當今所切，常須銜制黠吏，不可斯須闕人。待  
追李衡數月方到，或恐綱條弛紊，錢物隱欺。李英近  
追到城，請授給事中，且令權判。若處理稱職，便除戶  
部侍郎。如材不相當，則待李衡到，別商量處分。既免

頂門一針  
就與延齡  
作對

刺犀虎  
筆力蒼健

曠廢於事，又得閱試其能。兩人之中，必有可取。陛下  
累稱穩便，許依所奏施行。臣又退更詳思，以爲無易  
於此。希顏適宣進止，李異知度支，恐未相當。且空與  
給事中，朕更思量。司農少卿裴延齡，甚公清，有才，宜  
令判度支，便進擬狀來。其李衡亦從遣取者，伏以周  
制六官，實司理本家宰制國用量入爲出。司徒掌邦  
賦數，教恤人入之度支。兼此二柄，準平萬貨，均節百  
司，有無懋遷，豐敗相補，利害關黎元之性命，費省繁  
財物之盈虛，加以饋餉邊軍，資給禁旅，刺客則生患。

隨口吐出  
句法自是  
圓穩

負假則容，姦若非其人，不可輕授。裴延齡辟戾而好  
動躁，妄而多言，遂非不悛，堅僞無耻，豈獨有識深鄙  
兼爲流俗所嗤。頃列班行，已塵清貫，更居要重，必數  
大猷。是將取笑四方，貽殃兆庶，尸祿之責，固宐及於  
微臣。知人之明，亦恐傷於聖鑒。伏願重循前議，俯察  
愚誠，更於四人之中，選擇取其尤者。庶諧僉屬，不紊  
朝經。延齡妄誕小人，任之交駭，物聽臣雖熟知，不可  
猶慮所見未周。趙憬眼疾漸瘳，後日卽合假滿，待其  
朝謁，乞更叅詳，去邪勿疑。天下幸甚。謹奏。



湯賓尹日。懇到之中。不乏和平之度。左雄奏議。臺

閣為式。伯始章奏。天下第一。人亦當以宣公為

...

...

...

...

...

...

國語  
同武日早  
鐵口如山

...

### 論齊映齊抗官狀

右希顏奉宣進止。卿等所進齊映替李衡。緣江南與  
湖南接近。齊映齊抗。既是富家。同任方面。事非穩便。  
宜別商量者。齊映齊抗。同姓別房。既非五服之親。則  
與眾人無異。聖朝推誠致理。未嘗先事示疑。曩之李  
臯。李兼。鄰接方鎮。今之韓潭。全義。密邇軍城。此例甚  
多。無足為慮。但以中朝要職。常苦乏人。至如映抗良  
才。並當臺閣。妙選。臣等先請授映禮部。聖旨令且向  
外商量。倘許移鎮江西。亦是漸加恩獎。齊抗文學足

人物志  
踏胸中揮  
洒如意

...

用精敏罕儔掖垣之駁議司言南宮之掌賦承轄俾居其任皆謂當才若蒙追赴闕庭試加顧問察言稽行必有可觀可否之安伏候進止

湯賓尹曰任同姓別房兄弟即以現任同姓別房

兄弟來証乃知此老隨物付形無所不有

請遣使臣宣撫諸道遭水州縣狀  
右頻得鹽鐵轉運及州縣申報霖雨為災彌月不止  
或川瀆泛漲或谿谷奔流淹沒田苗損壞廬舍又有  
漂溺不救轉徙乏糧喪亾流離數亦非少臣等任處  
台輔職調陰陽一物失安尸曠斯在五行愆度黜責  
何逃陛下德邁禹湯恕人咎已臣等每奉詞旨倍益  
慙惶所以龜勉在公不敢頓頓請罪前者面陳事體  
須遣使撫綏陛下尚謂詢問來人所損殊少即議優  
卹恐長姦欺臣等旬日以來更密借訪類會行旅所

何詞之曲  
而意之懇

思路最周  
孫明有

說悉與申報符同。但恐所聞聖聰。或未盡陳事實。夫  
 流俗之弊多。徇諂諛。揣所悅意者。則侈其言。度所惡  
 聞者。則小其事。制備失所。恒病於斯。初聞諸道水災。  
 臣等屢訪朝列。多云無害於物。以為不足致懷。退省  
 其私言。則頓異霖潦。非可諱之事。緝紳皆有識之人。  
 與臣比肩。尚且相媚。况乎事或曖昧。人或瑣微。以利  
 己之心。希至尊之旨。其於情實。固不易知。如斯之流。  
 足誤視聽。所願事皆覆驗。則冀言無詐欺。大明照臨。  
 天下之幸也。昔子夏問於孔子曰。何如斯可謂人之

平實不佻  
巧見告君  
辭

父母。孔子對曰。四方有政。必先知之。斯可謂人之父  
 母矣。蓋以君人之道。子育為心。雖浚居九重。而慮周  
 四表。雖恒處安樂。而憂及困窮。近取諸身。如一體之  
 於四肢。其疾病無不恤也。遠取諸物。如兩曜之於萬  
 類。其鑒照無不均也。故時有凶害。而人無流亾。恃天  
 聽之必聞。知上澤之必至。是以有母之愛。有父之尊。  
 古之聖王。能以天下為一家。中國為一人。用此術也。  
 今水潦為敗。綿數十州。奔告於朝。日月相繼。若哀其  
 疾苦。固安降旨。優矜倘疑。其詐欺亦當遣使巡視。安

可徇往來之浮說。忘惠卹之大猷。失人得財。是將焉用。况災害已甚。申奏亦頻。縱不蒙恩復除。自當准式蠲免。徒失事體。無資國儲。恐須速降德音。深示憂憫。分道命使。明勅弔災。寬息征徭。省察寬濫。應家有溺歿及漂沒居產都盡。父子不存濟者。各量賜粟帛。便委使臣與州府據以當處官物給付。其損壞廬舍田苗者。亦委使臣與州府據所損作分數等第。聞奏量與蠲減租稅。如此則歿者蒙瘞。醉之惠。存者霑煦。嫗之恩。霑澤下施。孰不欣戴。所費者財用。所收者人心。若不失人。何憂乏用。臣等已約支計。所費亦不甚多。倘蒙聖恩允從。卽具條件續進。臣又聞聖人作則。皆以天地爲本。陰陽爲端。慶賞者順陽之功。故行於春。夏刑罰者法陰之氣。故用之秋冬。事或愆時。人必罹咎。是以月令所載。夏行秋令。則苦雨數來。丘隰水潦。夏行冬令。則後乃大水。敗其城郭。典籍垂誠。言固不誣。天人同符。理當必應。既有繫於舒慘。是能致於災祥。頃自夏初。大臣得罪。親黨坐累。其徒實繁。邦憲已行。宸嚴未解。畏天之怒。中外竦然。若以月令推之。冰

四事納忠  
敢是善者

滌。或。是。其。應。雖。天。所。降。沴。不。在。郊。畿。然。海。內。爲。家。無。  
論。遐。邇。伏。願。滌。瑕。以。德。消。沴。以。和。威。惠。之。相。濟。合。宐。  
陰。陽。之。運。行。自。序。臣。等。不。勝。覩。災。慙。負。之。至。謹。奉。狀。  
陳。請。以。聞。謹。奏。

湯。賓。尹。曰。不。必。如。監。門。之。畫。圖。東。平。之。哀。悼。而。真。  
懇。平。實。與。楊。秉。災。異。疏。同。出。一。轍。其。引。月。令。尤。  
見。大。臣。轉。日。迴。天。手。段。

論淮西管內水損處請同諸道遣宣慰使狀

右。奉。進。止。淮。西。管。內。貢。賦。旣。闕。所。緣。水。損。簡。擇。宣。慰。  
使。此。道。亦。不。要。遣。去。者。臣。聞。聖。王。之。於。天。下。也。人。有。  
不。得。其。所。者。若。已。納。之。於。隍。故。夏。禹。泣。辜。殷。湯。引。罪。  
蓋。以。率。土。之。內。莫。非。王。臣。或。有。昏。迷。不。恭。是。由。教。化。  
未。至。常。以。善。救。則。無。棄。人。自。希。烈。亂。常。污。染。淮。甸。職。  
貢。廢。闕。責。當。有。歸。在。於。編。氓。豈。任。其。咎。陛下。息。師。合。  
垢。宥。彼。渠。魁。惟。茲。下。人。久。懼。脅。制。想。其。翹。望。聖。化。誠。  
亦。有。足。哀。傷。倘。弘。善。救。之。心。當。軫。納。隍。之。慮。今。者。遣。

能勝詞  
不假禮貼  
而正意逆  
行

使宣命本緣卹患弔災諸道災患既同朝廷弔卹或  
異是使慕聲教者絕望懷反側者得詞棄人而固其  
寇讐言恐非所以為計也昔晉饑乞糴於秦大夫百里  
奚曰天災流行國家代有救災卹鄰道也行道有福  
不豹則請因而伐之穆公用百里奚之言拒丕豹之  
請且曰其君是惡其人何罪遂輸粟以救之其後秦  
饑乞糴于晉大夫虢射曰無損於怨而益於寇不如  
勿與慶鄭曰昔施無親幸災不仁貪愛不祥怒鄰不  
義不如與之惠公信號射之謀違慶鄭之議遂閉糴

前文情放  
為此處收  
得緊明

隨處披剝  
好轉天生

一守一轉  
便淋瀝

以絕焉是歲晉國復饑秦伯又饋之粟曰吾怨其君  
而矜其人終於秦繆霸強晉惠擒辱是知棄然而  
惠者可以懷敵計利而忘義者罔不失人此乃列國  
諸侯猶務卹鄰救災矧君臨天下而可使德澤不均  
被者乎議者多謂淮右荐饑國家之利臣等愚見以  
為不然必若與有征之師問不庭之罪因災幸濟已  
爽德政倘又難於用兵望其艱窘自弊利害之勢或  
未可知夫悍獸之情窮則攫搏暴人之態急則猖狂  
當其迫阨之時尤資撫馭苟得招攜以禮便可底寧

備慮垂方。亦足生患。竊以帝王之道。頗與敵國不同。懷柔萬邦。唯德與義。寧人負我。無我負人。故能使億兆歸心。遠邇從化。猶有凶迷不復。必當人鬼同誅。此其自取覆亡。尚亦不足。合怒今因。供輸有關。遂令施惠不均。責帥及人。恐未爲允。伏惟聖鑒。更審細裁。量其所擇。諸道使並未敢宣行。伏候進止。

湯賓尹曰。既動其深情。又慮其激變。如泣如訴。似而含諷。似規抑揚。頓挫之妙。有不可思議者。讀者細

且研始得。

